




МЕСЯЦА СЕНТЯБРЯ В 9-й ДЕНЬ

Святых и праведных богоотец
Иоакима и Анны.
И святого мученика Севериана.

ВЕЧЕР

На Господи, воззвах: **стихиры праздника 3, глас 1.**



Подобен: Небесных чинов:

Иоаким и Анна торжествуют, / начаток рождше
нашего спасения, / едину Богородицу, / с ни-
миже и мы празднуем днесь, / от корене онаго
Иессеева // блажаще Деву Чистую.

Богоместимая Отроковица / и Богородица Чистая, /
пророков слава, Давидова Дщи / днесь раждается от
Иоакима и Анны целомудренныя, / и Адамова клятва,
яже на нас, // потребляется рождеством Ея.

Яже прежде неплодная страна / землю плодородну
раждает / и, от неплодныя утробы плод свят давши,
млеко питает. / Чудо страшно! Питательница Жизни
нашей, / Яже Небесный Хлеб во чреве приемши, //
млеко от сосцú питается.

Ины стихиры святых, глас 4.

Подобен: Дал еси знамение:

Приидите ныне, ликуйм песенно, / о праздно-
любцы! / И верно празднуим, память почитающе /
Иоакима и Анны, честныя двоицы; / тии бо родиша
нам Богоматерь / и Деву Чистую. / Темже и престави-
шася от привременных к нетленным / и присноживым
жилищем, // молящеся спастися нам.

Весело красуется тварь вся днесь, / Богородице Все-
петая, / летнюю приносящи память единомудренно /

Твои́х роди́телей, / Иоакима́ чу́днаго, / кúпно и́ А́нны,
торжествую́щи: / ра́дость бо́ исходата́йствоваша, / Ты́
па́че наде́жды израсти́вше, Свет облиста́вшую // и Пита́-
тельница́ Жи́зни на́шея.

Ра́дуется днесь А́нна, игра́ющи ду́хом, / и веселится́,
ра́дующися, / улу́чивши желáние, / егóже желáше
дрéвле, благочáдия: / обеща́ния бо́ плод и благослове́-
ния божéственный прозябé, / Мари́ю Всенепоро́чную, /
Бо́га на́шего ро́ждшую / и Со́лнце возсия́вшую // во тьме
спя́щим.

Сла́ва, и ны́не, глас 5. Ефре́ма Ка́рия:

О блаже́нная двои́ца, / вы́ всех роди́телей превзы-
до́сте, / я́ко тва́ри всея́ Преиму́щую прозяблѣ́ естé! /
Истинно́ блаже́н еси́, Иоакиме́, / таковы́ Отрокови́цы
быв роди́тель. / Блаже́нна ложесна́ тво́я, А́нно, / я́ко
Ма́терь Жи́зни на́шея прозябла́ еси́; / блаже́ни сосцы́,
и́миже воздо́йла еси́ млеко́м Пита́вшую / Пита́ющаго
вся́кое дыха́ние, / Егóже мо́лите, вам, всеблаже́ннии,
мо́лимся, // поми́ловатися душа́м на́шим.

зри **А́ще** ли случится́ в пято́к ве́чера: Сла́ва, пра́здника. И ны́не,
Богоро́дичен пе́рвый гласа́ настоя́щаго.

На стихо́вне стихи́ры, глас 2.

Подóбен: Егда́ от Дре́ва:

А́нна богому́дренна́ и́стиною, / гнездо́ пти́че ви́девши
на дре́ве пре́жде, / свое́ безча́дие помяну́вши, вопия́ше: /
увы́ мне, Го́споди, Го́споди, / аз, грéшна, еди́на обнища́х
плодотворéния от Тебé. / Тогда́ Чело́веколю́бец Бог //
плод ей́ Дéву, Честне́йшую всея́ тва́ри, даде́.

Стих: Слы́ши, Дщи, и виждь, // и приклони́ у́хо Твоé.

А́нна богому́дренна́ войстину́ / безча́дное боле́ние
непло́дия позна́вши пе́рвее, / те́мже, моля́щися, во-
пия́ше к Бо́гу: / печáльну и непло́дну ўзу разреши́, /
и ро́жду́ Свято́е родити́ Тя Имúщую Сло́во, / е́же,
Влады́ко Христé Жизнода́телю, да́руеши Ей: // родит́ бо́
Тя, Спа́са всем чело́веком.

Стих: Ли́цу Тво́ему́ помóлятся // богáтии лю́дстии.

И́стинно Влады́ка и Бог же, Твою́ мо́литу услы́шав, /
я́ко Са́ррину пре́жде, / внегда́ услы́ша А́нгелов глас,
ра́дость тебé проповéдающ: / Бо́жию Ма́терь роди́ши. /
И возопѣ́ла еси́ весéлием души́: / Влады́ка и Господь,

Бог мой и Творец, // истиною мне остави укорение,
рождшей Приснодеву.

Слава, и ныне, глас 8:

Иже из неплодных ложесн / жезл, Святую Богородицу,
израстивше, / из Неяже Спасение миру возсия, Христос
Бог, / сопруг свят и сожителство свято, Иоаким и
Анна, / тии, преставльшесе к Небесным селением, /
с своею Дщерию, Пречистою Деву, / со Ангелы ли-
куют, о мире молитвы творяще. / С нимиже и мы,
сошедшесе благочестно, воспевающе, глаголем: / иже
Богоотроковицею и Пречистою Мариею / прародителе
Христовы нарекшесе, // молитесь о душах наших.

Тропарь святых, глас 2:

Праведных Твоих, Господи, память празднующе, /
теми молим Тя: // спаси души наша.

Или сей, глас 1:

Иже в законней благодати праведни бывше, / Мла-
денца богоданнаго породивша нам Иоаким и Анна. /
Темже днесь светло торжествует, / весело празднующи,
Божественная Церковь, честную вашу память, / сла-
влящи Бога, // воздвигшаго рог спасения нам в дому
Давидове.

**Слава, и ныне, праздника: Рождество Твое, Богородице
Деве: Писан на праздник.**



Служба мученика поется на повечерии.

Канон, глас 8.

Песнь 1

**Ирмос: Воду прошед, яко сушу, / и египетскаго зла из-
бежав, / израильтянин вопияше: // Избавителю и Богу
нашему поим.**

**Одержаше веление нечестивое / жрети идолом без-
душным же и глухим, / побеждаше же Христос, / муче-
ническими крепкими и доблыми противлению.**

**Свободаше от уз отметающихся Христа / и вся, яже
обрете чтуция Того Бога, / всячески начинаше мучити, /
но, прилучся тебе, богомудре, посрамися.**

Удивил еси, мучениче, злочестиваго, / доблественне устремився на судище, / и богов ложных обличил еси со дерзновением / немощь, и гнилость, и некрепость.

Богородичен: Вместила еси единая Небесы Невместимаго, Отроковице, / во утробе Твоей, боголепне Всельшагося в Тя / и естество человеческое от Тебе Приемшаго.

Песнь 3

Ирмос: Ты еси утверждение / притекающих к Тебе, Господи, / Ты еси свет омраченных, // и поет Тя дух мой.

Радовался еси, биемь за Христа, мудре, ранами немилостивно, / имел бо еси известное болезней воздаяние.

Жилами ссекаемь, изменением частым, славне, мучителей, / и сие, якоже в чуждем телеси, не ощущал еси.

Обрел еси возмездие от Христа, мудре, / венец прием правды и радость нескончаемую.

Богородичен: Вся, Ближняя моя, Добра и Непорочна бысть, / Тя провидя древле, вопияше Соломон в песнях.

Песнь 4

Ирмос: Услышах, Господи, / смотрения Твоего таинство, / разумех дела Твоя // и прославих Твое Божество.

Ласкании мучитель твою умягчити, мучениче, крепость / и победити тя надеяся, небо стреляти мяше.

Не чувствуеши, безумне, Христова силу, укрепляющую мя / противу болезням и трудом? / мучителю зывал еси, преславне.

Аще не бы сила свыше, поданная мне, / мучителю зываше Севериан, / како убо бых могл, плоть сый, претерпети отсечения удес?

Богородичен: Пресвятая Богоневесто, / даждь ми помощь мольбами Твоими / избавитися лстиваго, / да Тя славлю, Надежду мою.

Песнь 5

Ирмос: Утреннююще вопием Ти, / Господи, спаси ны, / Ты бо еси Бог наш, // разве Тебе иного не вемы.

На древо воздвиген был еси, славне, / и по телу строган ногтми / за всех Владычествующаго.

Боже мой, вопиял еси, / укрепил подвиг сей скончати мне мучения, стружему.

Яко виде тя мучитель, славне, / неослабно муки терпяща, / ужасеся окаянный.

Богородичен: Надéждо и Предстáтельница, и покрóве мой, Богородице,/ спасáй мя мольбáми Твоими от соблáзн зми́йных.

Песнь 6

Ирмос: *Рíзу мне подáждь свéтлу,/ оде́йся свéтом я́ко рíзую, // Многомíлостиве Христé Бóже наш.*

В темни́це ты заключи́ лю́тый/ и гла́дом понúди ты отвре́щися Христá,/ Егóже возлюбил еси́, блаже́нне, от ю́ности.

Ведóм, му́дре, в темни́цу,/ вся зря́щия ты Христá не отступи́ти,/ со дерзнове́нием уча́, нака́зовал еси́.

Мечéм усещи́ ты, му́чениче,/ лю́тый и безу́мный мучи́тель повелé,/ не пожéрша и́долом, но ты небре́гл еси́.

Богородичен: **В** рíзу ми облещи́ся свéта/ Твоими моли́твами сотвори́,/ Богоневéсто Влады́чице,/ в День Сýдный, пою́ща Тя.

Седáлен, глас 1.

Подóбен: Лик а́нгельский:

Дóблестию души́ воору́жен, богому́дре,/ издал еси́ себе́ к различным му́кам,/ любóвию распала́емь Влады́ки, пребогáте./ Тем обличил еси́ мучи́телей неистовство/ и венéц от Бóга прия́л еси́ побéды нетлénный.

Песнь 7

Ирмос: *В нача́ле зéмлю основáвый/ и Небесá Сло́вом утверди́вый,/ благословéн еси́ во véки, // Гóсподи, Бóже отéц нáших.*

Кáмением о́стрым уста́ твоя́ сокруши́ нечестивый,/ проповéдающа со дерзнове́нием Христá посреде́ пребеззакóнников./ Егóже сла́вы получи́в,/ ны́не ликúеши та́мо.

Повéшен на стенé, страсотéрпче, мучи́теля мнóгим гнéвом,/ к кáмени тяжку привя́зан,/ не отвéрглся еси́ Христá, отцéв Бóга препрослáвленна.

О твёрдаго противлénия твоегó, блаже́нне!/ **О** тёп-
лая любвé к Зижди́телю!/ **Ея́же** рáди венцéм украси́ ты нетлénным,/ дóбре пострада́вша.

Богородичен: **Ты** мой еси́ свет, Дево Богородице,/ **Ты** еси́ рáдость и покрóв,/ и пристáнище моé, Благословénная,/ и Тя сла́влю, я́ко рóждшую Бóга отцéв нáших.

Песнь 8

Ирмос: Царя Небеснаго,/ Егѡже поют вои ангельстии, // хвалите и превозносите во вся веки.

Претерпел еси раны до конца, воине Христов, / и представился еси, радуясь, / к Вышнему, преблаженне, Царствию.

Не посрамился еси, Христа ради, добле мудренне, / претерпев муки различныя, / темже и прославился еси во вся веки.

Венценосец со страдалыцы ныне ликую истинно окрывает Царя, / поминай верою твою память творящих.

Богородичен: Богородительнице, христиан Предстательнице, / изми ны всякия нужды, / да Тя поем во вся веки.

Песнь 9

Ирмос: Воистину Богородицу / Тя исповедуем, / спасеннии Тобю, Дева Чистая, // с безплотными лики Тя величающе.

Руками тебе любящих, блаженне, / твоё тело опрятано погребёся, яко свято, / и исцелений источает струи, в славу Божию.

О чудо, како воста умерый отрок / и среташе твоё тело на пути, к погребению несомо, / мучениче всечудне!

Получив вечное, блаженне, Царство / и Владыце чёстне предстоя, / о поющих тя тёпле молисья.

Богородичен: Дивисься Ангелов чиноначалия, / воплощенна зряще Тя носящую / Творца веков, Приснодеву.

Стихиры, глас 4.

Подобен: Дал еси знамение:

Жилами ссекаемь / Христа ради, славне, / и на древе повешен, / и плотию стружемь немилостивно бричми*, / жрети же идолом повелеваемь, мудре, / не отвёрглся еси всех Господа, / но обличил еси болёзными твоими / немошь и худость идольскую // и был еси Ангелов собеседник.

Радуясь, отлучился еси к подвигу, / яко законный страдалец, досточудне, / доблим смыслом, / о муках, мучениче, нерадив, / смертию же Христу / уподобитися

* Бричми — бритвами, лезвиями.

тщася, чўдне,/ тем тя венцём Царствія украси/ Иисўс
Человеколюбец// и Спас душ на́ших.

Сла́ва, глас то́йже:

У́зник ведо́м/ и я́звами крася́ся,/ зря́щим повеле-
ва́л еси́/ подо́битися нра́ву твоemú,/ к Небе́сным,
блаже́нне, воздая́нием смотре́щим,/ я́же мно́го весе́лие
и красоту́ подаю́т,/ я́ко нетле́нная и во ве́ки пребыва́-
ющая,/ в них пребыва́ющия// творя́ще насле́дники
Ду́хом.

И ны́не, пра́здника:

Днесь изли́йся Божество́нное бога́тство/ благода́ти
Вла́дыки/ во вся ми́ра концы́/ от исто́чника непло́д-
ныя,/ дарова́ния исто́чающаго и́стинно/ и возвеща́-
ющаго Сего́ происхожде́ние/ любо́вию рожде́ство Ея́
чтущим/ и вопию́щим: Иисўсе Всеси́льне,// Ты еси́
Спас душ на́ших.



НА УТРАНИ

**На Бог Господь: тропарь пра́здника два́жды. Сла́ва,
богоотце́в. И ны́не, пра́здника.**

По 1-м стихосло́вию седа́лен, глас 3.

Подобен: Де́ва днесь:

Де́ва днесь и Богоро́дица Мари́я,/ черто́г неразори́-
мый Небе́снаго Жени́ха, ражда́ется/ от непло́дныя
А́нны Бо́жиею волею,/ носило́ Бо́жия Сло́ва угото́вль-
шися:/ в си́е бо предповеле́ся бы́ти Отрокови́ца/ и Ма́ти
су́щия Жы́зни.

Сла́ва, и ны́не, то́йже.

По 2-м стихосло́вию седа́лен, глас 4.

Подобен: Ско́ро предвари́:

Дави́де, я́же кля́тся тебе́ дре́вле Помáзавый тя,/
плод от чресла́ твоего́ на престо́ле твоeм испо́лни,
дав Мари́ю./ Зри́ши бо Ю́же от А́нны Иу́довы и ра́дуе-
шися,/ из Нея́же Христос воплоти́ся, Спас вся́ческих,/
безме́рною бла́гостию спаса́я род наш.

Сла́ва, и ны́не, то́йже.

Канон праздника со ирмосом на 6 и святых на 6 же.

Канон праздника, глас 2.

Песнь 1

Ирмос: *Грядите, людие,/ поим песнь Христу Богу,/ раздельшему море и наставльшему люди,/ яже изведе из работы египетския,// яко прославися.*

Грядите, вернии, Духом Божественным радуящеся,/ Юже от неплодове днесь пришедшую человеков на спасение/ Приснодеву Отроковицу песнями почтим.

Радуйся, Чистая, Мати и Рабо Христа Бога,/ Яже первому Ходатаица блаженству,/ человеческий род, Тя вси достойно песнями славим.

Жизни раждается днесь мост,/ имже человецы, воззвание падения, еже от ада, обретиши,/ Христа Жизнодавца песнями прославляют.

Ин канон святых, егоже краеграние:

Твоя родители, Всечистая, пою целомудренно.

Глас 2.

Песнь 1

Ирмос: *Во глубине постла иногда/ фараонитское всевоинство преоруженная сила,/ Воплощенное же Слово всезлбный грех потребило есть,/ Препрославленный Господь,// славно бо прославися.*

Свещу, мысленное Солнце возблиставшую,/ Плотию от Нея возсиявшее,/ добродетелей светлостью просияюще,/ родити сподобистесе, Анно богомудрая и Иоаким присноблаженный.

Всеобразным зрением к Богу/ истинно богоприятный Иоаким и Анна божественная,/ неуклонно молящеся, Пречистую Богородицу родиша,/ пребоольшую всей твари святостию.

Превысоку имуще жизнь,/ жития же светлость,/ всех вкупе родителей бысте земных превышшии,/ Нетленну Деву яко родивше/ и богоотцы истинно Тоя ради бывше.

Богородичен: *Спасения всего начальницы,/ блаженнейший Иоаким и Анна славная,/ Чистую, и Непорочную, и Пречистую Богородицу родиша,/ богочестия Сию приемше воздаяние.*

Песнь 3

Ирмос: Утверди нас в Тебе, Господи, / Древо умерщвлёй грех, / и страх Твой всади // в сердца нас, поющих Тя.

Непорочно Богу пожившии, / всех родите Спасение, / богомудрии родители / Зиждителя Рождшия и Бога нашего.

Всем жизнь источаяй Господь / от неплодове произведё Деву, / в Нюже вселится изволи, / и по Рождестве сохранив нетленну.

Аннин плод, Марию, днесь, / Грозд рождшую животносный, / яко Богородицу воспойм, / Предстательницу же всех и Помощницу.

Ин

Ирмос: На камени мя веры утвердив, / расширил еси уста моя на враги моя, / возвесели бо ся дух мой, внегда пети: / несть свят, якоже Бог наш, // и несть праведен, паче Тебе, Господи.

Неплодствующая, и детей лишённая, / и слезами Содетеля молящая, / едину Благословенную сподобилася еси родити, / богоприятная Анна, зовущи, / яко несть свят, разве Тебе, Господи.

Иже сожительницу обогатив Божественною благодатью, / Иоаким божественный и богоглаголивый / Ходатаицу спасения человеком родити сподобися. / К Нейже взываем, яко несть непорочны, паче Тебе, Владычице.

Воспоём всечестную сопругу, / от нейже возсия нам Дева, / всех тварей превышши сущи, / Бога бо роди, к Немуже возопийм, / яко несть свят, паче Тебе, Господи.

Богородичен: Неплоднаго поноса избегши, / роди Анна Богородицу, / Евы бо поношение преславно потрельшую, / к Нейже взываем, / яко несть непорочны, паче Тебе, Владычице.

Кондак праздника, глас 4:

Иоаким и Анна поношения безчадства / и Адам и Ева от тли смертныя свободистася, Пречистая, / во святем рождестве Твоем. / То празднуют и людие Твой, / вины прегрешений избавльшеся, / внегда звати Ти: // неплоды раждает Богородицу и Питательницу Жизни нашея.

Икос:

Молитва купно и въздыхание неплодства и безчадства/ Иоакима же и Анны благоприятное/ и во уши Господни вниде, и прозябе плод живоносен миру./ Ов бо молитву на горѣ творяше, ова же в садѣ поношение ношаше,/ но с радостию неплоды раждает Богородицу и Питательницу Жизни нашея.

Седален, глас 5.

Подобен: Собезначальное:

Иоаким и Анна торжествуют,/ по Бозе бо достойно благодать обретоша/ и родиша плод, богоприятен храм,/ Дѣву и Чистую Матерь Божию,/ едину Благословенную, молящуюся непрестанно/ спастися душам нашим.

Слава, и ныне, тойже.

Песнь 4

Ирмос: Услышах, Господи,/ слух Твоего смотрения/ и прославих Тя, // Еди́не Человеколю́бче.

Воспеваем Тя, Господи,/ верным спасительное пристанище подавшего всем,/ Тебе Родшую.

Тя, Богоневесто,/ похвалу всем Христос яви и державу/ поющим верно Твое таинство.

Неискусобрачная Владычице,/ Твоими молитвами избавляеми прегрешений,/ благо разумно вси Тя ублажаем.

Ин

Ирмос: Пришел еси от Девы, не ходатай, ни Ангел,/ но Сам, Господи, воплощся,/ и спас еси всего мя человека./ Тем зову Ти: // слава силе Твоей, Господи.

Радуясь, Дѣву от неплодове приемлет,/ Еяже ради плодие мирское разрешися, Рождеством девствующую,/ Иоаким богомудрый и богоприятный.

Праотец Божий Иоаким/ ныне предлагает нам трапезу духовную, пребогатый:/ яко Богоматерь и Пренетленную Отроковицу родил есть.

Умерщвления и тли человеки спасшую/ благодать предлагает,/ хотящую быти Матерь Божию,/ Слово Присносущное приемшую,/ несказанно воплощаемое.

От корене Иессеева соприг возсия,/ от негоже прозябе жезл, Цвет носящий,/ всего мя человека облаговонствующ миром Божества.

Богорóдичен: Напра́ви моё, Богорóдице, жити́е, / повелéнии Божéственными наставля́ющи / вопло́щагося Слóва из Тебé, / и к свéту наста́ви, Дéво Ма́ти, Мари́е Богоневéсто.

Песнь 5

Ирмо́с: Сенно́писанный мрак гадáний разорíв / и вёрных прибýтием и́стины, / Богоотрокови́цею, озарíв сердца́, // и нас свéтом Твоём, Христé, наста́ви.

Воспойм, лю́дие, всех винú / сýщаго по нам б́гти Винóвнаго: / Ея́же óбразу ра́довахуся сподобля́еми проро́цы, / явлéнное спасéние от То́я плод́яще.

От сýха прозябéние жезла́ иерее́ва / Изра́илю показá проразсуждéние, / и ны́не свéтлость прозя́бших пресла́вно свéтит, / от непло́дове всесла́вное рождéние.

Ин

Ирмо́с: Просвещéние во т́ме лежа́щих, / спасéние отча́янных, Христé, Спа́се мой, / к Тебé úтреннюю, Царю́ мíра, / просветí мя сия́нием Твоём, // инóго бо, раз́ве Тебé, бóга не зна́ю.

Целомúдренная дво́ица, / чистоты́ зар́я сия́ющая, / Ю́же дéвства божéственным сия́нием украсíвшую непло́дное естество́ челове́ческое / нам породí Анна и Иоакíм богоприятный.

Дéвственный богоукра́шенный престóл, / И́же всех прев́шши, длáнию Божéственной, / целомúдрия честный со́пруг и богомúдрая дво́ица породí, / Анна и Иоакíм всехва́льнии.

Восто́ку Св́ше я́вльшуся / в наста́вление заблúждших / светонóсную дверь / божéственный Иоакíм и Анна, богомúдренно пожíвши, / родíти, боговídцы, я́ве сподóбишася.

Зако́на Но́ваго богопíсанную скрижа́ль, / на нéйже решéние грехóв Вéтхаго Зако́на Божéственное Слóво прообразí прéжде, / я́ко от ка́мене, ны́не усечé / мановéнием Вседержíтель от непло́дове.

Богорóдичен: Зарéю Твоёю, Богома́ти, / умú моему́ озарíтися, омрачéнному грехóм, / повелí, Дéво, / невéдения мрак и прегрешéний потребля́ющи, / ины́я бо па́че Тебé хранíteльницы не вем.

Песнь 6

Ирмос: *Ко Господу от кита Иона возопи:/ Ты мя возведи из глубины ада, молюся,/ да яко Избавителю, во гласе хваления, // истины же духом пожру Тебе.*

Ко Господу в скорби неплодства возопиша/ Богоматере богомудрии родители/ и Сию в роды родов родиша,/ на общее спасение и похвалу.

Прииша Небесный дар от Бога достоин/ Богоматере богомудрии родители,/ самех Херувимов превышшее носило,/ Слова и Зиждителя Родительницу.

Ин

Ирмос: *В бездне греховней валяясь,/ неизследную милосердия Твоего призываю бездну:// от тли, Боже, мя возведи.*

Плодовитое семя,/ еже древле неплоды Анна восприемши,/ от Божественнаго осияния Отроковицу родити сподобися,/ всеми тварьми владычествующую.

Ныне неплоды рождши, волею Божию,/ покорением прияти Деву,/ рождшую кроме плотския воли,/ Самому восхотевшу Богу проявлено.

Озарився Исаия Духом,/ Иоакима и Анны рождество,/ свиток нов, виде,/ в немже написася Слово воплощаемо.

Богородичен: *Таинству предтечет таинство:/ прежде бо неплодящая благодать/ породит спасения Ходатаицу,/ девства рождением явльшуюся нам.*

Кондак, глас 2.

Подобен: Вышних ищя:

Радуется ныне Анна,/ неплодства разрешившия союз,/ и питает Пречистую,/ созывающи вся воспети/ Даровавшаго от чрева ея человеком// едину Матерь и Неискусомужную.

Икос:

Яже уз прежде безчадства молитвою избавльшися,/ призывает ны спраздновати чудеси/ и дары принести Рожденней,/ молящияся пред Нею с любовью,/ Ейже яко иногда девы предтечаху скоро, ликующе и вопиюще:/ се прииде всех воззвание,/ се Адам свободися,/ яко Анна плод прозябе,/ едину Матерь и Неискусомужную.

Песнь 7

Ирмос: *Купина в горѣ огненеопальная и росонбсная пещь халдейская/ яве предписа Тя, Богоневѣсто,/ Божественный бо невестественный в вѣщественнем чреве Огнь неопально прияла еси./ Тѣмже из Тебѣ Рѣждшемуса поѣм:// благословѣн еси, Бѣже отѣц наших.*

Твое в вѣщественных явленіих/ законоположник возбраніся разумѣти/ и великое, Пречистая, таинство,/ не мудрствовати земнорѣвностная образно наказуемь иногда./ Тѣмже, удивлься чудесі, глаголаше:/ благословѣн Бог отѣц наших.

Гору и дверь Небесную и мысленную Тя лѣствицу/ боголѣпно лик божественный пронаречѣ,/ от Тебѣ бо Камень отсечѣся не рукамі мужескими,/ и дверь, еюже прѣйде Господь, Иже чудес Бог отѣц наших.

Ин

Ирмос: *Богопротивное велѣние/ беззаконнующаго мучителя/ высѣк пламень вознесло есть;/ Христос же прострѣ богочестивым отроком росу духовную,// Сый благословѣн и препрославлен.*

От корене прозябши, двоице святая, Давида богомудраго,/ жезл всесвященный, Дѣву Чистую, міру породисте,/ Цвет священнейший нам, Христа, безсѣменно возсіявшую.

Свещу многосвѣтлую Богородицу/ Анна божественная, якоже златозарен свѣщник, носящи,/ мир весь просвети божественным свѣтом,/ дѣвства свѣтлыми сияньми.

Прародители славнии/ воплотившагося за неизреченную милость Бѣга Вседержителя/ от Дщѣре богомудрыя вашей, пребогати,/ ныне мне, прибѣгшему к вам, согрешений разрешѣние испросите.

Богородичен: *Яко суще пребольшии родителей,/ всеми Владычествующую тварьми родисте, Марію Пречистую,/ рѣждшую Бѣга, Плѣтию обложена,/ нам уподобльшася за благоутрѣбие многое.*

Песнь 8

Ирмос: *В пещи отрочестей прообразил еси иногда Твою Матерь, Господи,/ образ же Сия из огня изымаше неопально входящия,/ Юже поѣм, явльшуюся Тобѣю концѣм днесь,// и превозносим во вся вѣки.*

Яже к Бóгу нáшего примирéния предопределéнная скíния/ ёже б́йти н́ине начинаёт,/ имúщи родíти Сло́ва, нам дебелъством Плóти явльшася,/ Егóже поём, из не сýщих во ёже б́йти Тем приёмшии,/ и превозно́сим во вся вéки.

Неплóдства преложéние мирскóе благíх разреши́ неплóдство/ и я́сно чúдо Христа́ показá, к земным́ пришédша,/ Егóже поём, из не сýщих во ёже б́йти Тем приёмшии,/ и превозно́сим во вся вéки.

Ин

Ирмо́с: *В пещь о́гненную ко отроко́м еврейским снизше́дшаго/ и пла́мень в рóсу прелóжшаго Бóга/ пойте, делá, я́ко Гóспода, // и превозносите во вся вéки.*

Богáтством кипя́щи добродéтелей/ сла́вою Божéственнойо укра́шенную Цари́цу Дéву/ Иоакíм честный́ и Анна целомúдренная родíша,/ Ю́же вся тварь поёт я́ко Богорóдицу.

Жезл сýлы нам ва́ми, дру́ги Бóжими, по́слан бысть,/ Всенепорóчная Невéста,/ Ею́же посреде́ враго́в безбо́жных одолева́ем,/ кова́рствия тех попира́юще.

Ору́жие нам от Бóга благово́ления/ тобо́ю, сопрúже свяще́нейший, дарова́ся,/ íмже н́ине мы, вёрнии, кра́сне прíсно венча́емся,/ Бóга рóждшая Чíстая Дéво Ма́ти.

Сýла Бóжия плодоно́шением неплóдствующее чре́во отве́рзе,/ и предгряде́т Дверь дéвства све́тлостьюми,/ Ея́же ра́ди Сло́во при́иде к земным́,/ вопло́щся неизрече́нным сло́вом.

Богорóдичен: *Светолíтии из Тебе́ Воплоще́ннаго нас ра́ди/ просвещéнная дво́ица изрядная родíтелей Твои́х/ да б́дет, Пренепорóчная Влады́чице,/ ходáтайство нам благ Небéсных.*

Песнь 9

Ирмо́с: *Я́же прéжде Со́лнца Свети́льника Бóга возсия́вшаго,/ плóтски к нам пришédшаго,/ из боку́ Девíчу неизрече́нно воплотíвшая,/ Благословéнная Всечíстая, // Тя, Богорóдице, велича́ем.*

И́же непокорíвым лю́дем из ка́мене источíв во́ду,/ благопокорíвым же язы́ком да́рует от чресл неплóдных плод на весéлие нам,/ Тя, Богома́ти Пречíстая,/ Ю́же досто́йно велича́ем.

Напраснаго дрэвняго Отгяательницу осуждѣнія и праматере исправлѣние, / юже рѣда к Бѣгу винѣ присвоеѣнія, к Зиждѣтелю мост, / Тя, Богородице, величаѣм.

Ин

Ирмос: Безначальна Родителя Сын, Бог и Господь, / воплощся от Дѣвы, нам явися, / омрачѣнная просветити, собрати расточѣнная, // тем Всепѣтую Богородицу величаѣм.

Единоумдреннии и единопѣшнии добродѣтелию сѹще, / Пречѣстыя Дѣвы честнии родителие, / совершаѹщим усѣрдно прехвальную и слѣвную пѣмѣть вѣшу, / священнейшии, спастѣся молитѣся.

Пѣжить разрушите смѣртную, слѣвнии, / Жѣзни Мѣтерь свѣтло рѣдшии, / потрѣблѣшую сеѣ прилог / и безсмѣртныя жѣзни исходѣтаившую надѣжду вѣры рѣди.

Красное яко солнце Иоаким, / единяся светонѣсней лунѣ Анне, / породѣ дѣвства лучѣ, / Еюже Зарѣ Божѣственнаго Сущѣствѣ, / плѣти по Ипостѣси соединѣвшися, нам возсия.

Целомумдренно пожѣвше и благочѣстно, блаженнии, / нѣне слѣдѣсти несказанныя сподѣбистѣся, / Богоявлѣния получѣвше Иже от вас мѣру Явльшагося, / Егѣже молитѣ спастѣся душѣм нашим.

Светѣлен.

Подѣбен: Посетѣл ны естѣ:

Яже Евы клѣтву Потрѣблѣшая / нѣне раждѣется от старец неплодных, / от Анны и Иоакима, / Юже со Ангелы вси по долгу в пѣснѣх, вѣрнии, да восхвалим.

Слѣва, и нѣне:

Яко от солнца солнце и от лунѣ лунѣ, / от Анны и Иоакима Всенепорѣчная Отроковица родѣся / и просветѣ мѣра концѣ Своѣм сиянием, / Юже поѹще, достѣйно ублажим, / совершаѹще честнѹю их пѣмѣть.

На стихѣвне стихѣры прѣздника, глас 6.

Подѣбен: Триднѣвен:

Нѣне играй, прорѣче Давѣде, / се бо от чресл твоѣх Дѣва, / Богоотроковица Марѣя, / родѣся прѣславно, / Еяже рѣди земнии божѣственно // обрѣтѣша воззвѣние пѣдѣния.

Стих: Слы́ши, Дщи, и виждь, // и приклони́ у́хо Твое́.

Умерщвлéния совлач́ится т́ины, благода́тию, / Ада́м со Е́вою, / и оживля́ются всеро́дная, / от непло́дных бо ро́ждшихся / и́стинно, Богоро́дица // мирско́е разреши́ непло́дство.

Стих: Лицу́ Твоему́ помóлятся // богáтии лю́дстии.

Всечестно́е Твое́ рождество́ / свéтло торжеству́ем со А́нгелы, / Ма́ти Дéво Ч́истая. / Но, о Богороди́тельнице, / не престáй защища́ти христиáн, // воспева́ющих Тя.

Сла́ва, и ны́не, пра́здника, глас 2:

Днесь Всенепоро́чная Ч́истая произы́де от непло́дове, / днесь вся́ческая ра́дуются в То́я рождестве́. / Ада́м уз разрешáется, и Е́ва кля́твы свободи́ся, / Небе́сная вся веселя́тся, / и мир челове́ком да́руется. / Мы же, славосло́вяще, вопие́м: / сла́ва в вы́шних Бо́гу, и на земл́и мир, // в челове́цех благоволе́ние.

НА ЛИТУРГИИ

Блаже́нны пра́здника, песнь 1-я, 2-го гла́са, на 4, и святы́х, песнь 6-я, на 4. Прокímeн пра́здника, и до отда́ния. Та́же святы́х, глас 4: Дивен Бог во святы́х Свои́х, // Бог Изра́илев. **Стих:** В це́рквах благослови́те Бо́га, Го́спода от исто́чник Изра́илевых. **Апо́стол к Гала́том, зача́ло 210, от полу́. Аллилу́ия, глас 1:** Спасéние пра́ведных от Го́спода, и Защи́титель их есть во вре́мя ско́рби. **Ева́нгелие от Луки́, зача́ло 36. Прича́стен пра́здника, и святы́х:** Ра́дуйтесь, пра́веднии, о Го́споде, пра́вым подобáет похвала́.

Сведения о **святых и праведных Иоакиме и Анне** смотри 8 сентября.

Святой Иоаким преставился через несколько лет по введении во храм благословенной своей Дочери,

в 80-летнем возрасте. Святая Анна скончалась семидесяти лет, через два года после него, проведя их при храме, рядом с Дочерью.

Святой мученик Севериан († 320) пострадал за Христа в Севастии Армянской во время гонения на христиан при императоре Ликийнине. До своего мученического подвига святой Севериан посещал заключенных в темницу 40 узников-христиан, поддерживая их дух и внушая им с мужеством переносить страдания за Христа. Это были те прославленные Церковью 40 мучеников, которые мучились в озере Севастийском (память 9 марта).

Через полгода и Севериан был также привлечен к суду правителем Лисием за исповедание христианской веры. Мужественно объявив о своей вере во Христа, святой Севериан был подвергнут жестоким истязаниям, во время которых он с просветленным духовной радостью лицом, не переставая, молился Богу о том, чтобы Он ниспослал ему силы пройти до конца свой мученический подвиг. Когда исполнители пытки сами изнемогли и не в силах

были больше продолжать свое злое дело, правитель велел отвести святого мученика в тюрьму.

Проходя под стражей по улицам города, святой Севериан поучал народ, убеждая всех верить во Христа, дающего силу верящим в Него терпеть все виды мучений с радостью в ожидании великой славы и блаженства на Небесах. Через пять дней святой мученик вновь был приведен к Лисию; он так же радостно, как и при первом допросе, отказался принести жертву идолам и опять был подвергнут жестоким мучениям и, наконец, казнен.

Воодушевленные мужеством и терпением святого Севериана, сева-

стейские христиане безбоязненно взяли его тело и понесли к дому, где он жил. Все местные жители спешили приблизиться к телу святого и проститься с ним. Тогда свершилось следующее чудо: один из слуг святого Севериана, недавно умерший, но еще не погребенный, в то время как люди, несущие тело святого мученика, подходили к дому, встал со смертного одра, вышел навстречу своему усопшему господину, поклонился ему и простился с ним. Воскресший человек после этого жил еще 15 лет, никуда не отлучаясь от места погребения святого мученика Севериана.



В
ТОЙЖЕ
ДЕНЬ

Преподобнаго отца нашего Иосифа Волоцкого, чудотворца

НА МАЛЕЙ ВЕЧЕРНИ

На Господи, возвах: стихиры на 4, глас 1.

Подобен: Небесных чинов:

Духа Святаго теплотою, мудре, / желанія сердца твоего еже к Богу согреяв, / зиму страстей многокозненную умертвив, / демонскую силу низложил еси, / Небесное же воинство // терпением твоим удивил еси.

Крест Господень взем, преподобне Иосифе, / истинно последовал еси Христу, / нас ради на Кресте распешемуся, / и Его ради любве вся оставил еси, / и Того Единого возлюбил еси, // Егоже моли спастися нам.

Яко приём, отче, Небесное семя в сердце, / плод сторичествующ добродетели принёсл еси, / питая благочестно / гланием добродетели тающих души; / но, яко имея дерзновение ко Владыце Христу, // моли о творящих верою и любовью память твою.

Слава, глас 4:

Светлый днесь возсия нам и всепраздничный день, / якоже второе солнце, / просвещая, и наставляя, / и отгоняя мглу помрачения нашего, / вселенную созывает, / любовь к честней раце припадающих / и любезно

облобызающих ю./ Моли, молимся, отче,/ миру мир даровати// и душам нашим велию милость.

И ныне, праздника, глас тойже: Всечестное Твое рождество: (зри страницу 191).

На стиховне стихиры преподобнаго, глас 2.

Подобен: Дóме Евфрафов:

Дом Духа Святаго/ был еси, преподобне,/ просвещая и наставляя/ верою и любовью// притекающая к тебе.

Стих: Что воздам Господеви о всех,// яже воздаде ми?

Блажен воистину/ и преблажен явился еси,/ премудре Иосифе,/ монашествующих наставниче// и благочестия поборниче.

Стих: Блажен муж, бойся Господа,// в заповедех Его восхощет зело.

Приидите, вернии,/ стецемся усердно,/ восхвалим отца нашего,/ истины сказателя// и нечестия обличителя.

Слава, самогласен, глас тойже:

Приидите, лица монашества,/ днесь радостно воспойм,/ ублажающе и прославляюще начальника нашего,/ Христова угодника и Того Пречистая Матере,/ преподобных сожителя и собеседника Ангелов,/ молящаяся Господу// помилватися душам нашим.

И ныне, праздника, глас 4: Всемирная радость: (зри страницы 191–192).

Тропарь писан на велицей вечерни.

Слава, и ныне, праздника.

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8: святых боготцев на 4 и преподобнаго Иосифа на 4. Глас 5:

Преподобне отче, блаженне Иосифе,/ вельми подвижался еси на враги безплотныя,/ песньми, постом и молитвою быв образ твоим учеником/ и неленостно Христу работая./ Ныне, преподобне, на Небесех ликуеши,/ со Ангелы славословя Троицу Единосущную,/

преклоняя на человеколѡбие Христа Бѡга нашего,/ да спасет естество человеческое./ Того ўбо моли, Тому помолися, преподѡбне,/ даровати вселенней единомышленіе// и чадом твоим мир и велию милость.

Преподѡбне ѡтче Иѡсифе,/ вельми подвижался еси на враги Креста Христова/ и на отметающияся образа Спасова/ и Его Пречистыя Богоматере,/ и посрамил еси ересеначальники./ Ныне ўбо, преподѡбне,/ всех нас ко Христу поминай/ и молися о творящих верно святую память твою,/ презрети наша согрешения/ и возвести нас на первое достояние./ Того ўбо моли, Тому помолися, преподѡбне,/ даровати вселенней единомышленіе,/ и верным людем на враги одоление,// и мир, и велию милость.

Преподѡбне ѡтче Иѡсифе,/ вельми тя Христос прослави/ и даровал тебе слово божественнаго разума,/ имже отсекал еси лжу от истины,/ и исторгл еси плевелы неверия,/ и научил еси славити Троицу Единосущную,/ покланяемаго в Трех Ипостасех Единого Бѡга./ Того ўбо моли, Тому помолися, преподѡбне,/ даровати просящим исцеление,// мир и велию милость.

Слава, глас 6:

Радуйся и веселися, церковь Божия Матере,/ со священники же, и с людьми благочестивыми,/ и со благородными и христоименитыми,/ монахи же и простыми,/ блаженнаго Иѡсифа, отца нашего, днесь память почитающе,/ духовне сошедшеся, празднуем,/ и, честный гроб его обходяще, глаголем:/ радуйся, ѡтче наш Иѡсифе,/ светильниче пресветлый, врачу болящих/ и молитвенниче ко Спасу Христу Бѡгу нашему/ о верою и любовью притекающих к раце мощей твоих,// моли спастися душам нашим.

И ныне, праздника, глас 6:

Днесь неплодная Анна раждает Богоотроковицу,/ от всех родов избранную/ в жилище Всецаря и Зиждителя, Христа Бѡга,/ во исполнение Божественнаго смотрения,/ имже наздахомся, земнороднии,// и обновимся от тли к жизни неконечней.

Вход. Прокимен дне, и чтенія.

Премудрости Соломоновы чтение (главы 5 и 6):

Праведницы во веки живут, и в Господе мзда их, и попечение их у Вышняго./ Сего ради примут Царствие благолепия и венец доброты от руки Господни,/ зане десницею покрывает я и мышцею защитит их./ Примет всеоружие рвение Свое и вооружит тварь в месть врагом./ Облечется в броня правды и возложит шлем, суд нелицемерен./ Примет щит непобедимый, преподобие./ Поострит же напрасный гнев во оружие;/ споборет же с ним мир на безумных./ Пойдут праволучныя стрелы молниины/ и, яко от благокругла лука облаков, на намерение полетят./ И от каменометныя ярости исполнь падут грады,/ вознегодует на них вода морская, реки же потопят я нагло./ Спротив станет им дух силы, и, яко вихор, развеет их/ и опустошит всю землю беззаконие, и злодейство превратит престолы сильных./ Слышите убо, царие, и разумейте, навыкните судий концев земли./ Внушите, держащие множества и гордящиеся о народах языков,/ яко дана есть от Господа держава вам и сила от Вышняго.

Премудрости Соломоновы чтение (глава 3):

Праведных души в руке Божией, и не прикоснется их мука./ Непщевани быша во очесех безумных умерети, и вменися озлобление исход их./ И еже от нас шествие сокрушение, они же суть в мире./ Ибо пред лицом чело-веческим аще и муку примут, упование их безсмертия исполнено./ И в мале наказани бывше, великими благоде-тельствовани будут,/ яко Бог искусил я и обрете их достойны Себе./ Яко злато в горниле искусил их, и яко всеплодие жертвенное прият я./ И во время посещения их возсияют и, яко искры по стеблию, потекут./ Судят языком и обладают людьми, и воцарится Господь в них во веки./ Надеющиеся Нань разумуют истину и вернии в любви пребудут Ему./ Яко благодать и милость в преподобных Его, и посещение во избранных Его.

Премудрости Соломоновы чтение (глава 4):

Праведник, аще постигнет скончатися, в покое будет./ Старость бо честна не многолетна, ниже в числе лет исчитается./ Седина же есть мудрость чело-веком, и возраст старости житие нескверное./ Благоугоден Богу быв, возлюблен бысть, и живый посреде

грѣшников преста́влен бысть./ Восхищен бысть, да не злоба изменитъ разума его, или лесть прельститъ душу его./ Рачѣние бо злобы помрачаетъ добрая, и парѣние похоти пременяетъ ум незлѣбив./ Скончався в малѣ, исполни лѣта долга./ Угодна бо бе Господу душа его, сего ради потщася от среды лукавствія./ Людие же видевше и не разумевше, ниже положивше в помышлѣнии таковоѣ./ Яко благодать и милость в преподѣбныхъ Его, и посещѣние во избранныхъ Его.

На литіи стихіры, глас 5.

Подобен: Радуйся:

Радуйся, священная главо, / преподѣбне отче нашъ Иосифе, / ангельскихъ ликѣвъ собесѣднице в вышнихъ./ На земли бо добродѣтельно пожилъ еси / и явился еси пречисто и нескверно зерцало, / Духа Святаго зарями блистаяся, пребогате, / и озаряемъ, прозрѣл еси будущая./ Темже Христа Бога моли // мир даровати душамъ нашимъ и велию милость.

Радуйся, священная главо, / постниковъ непоколебимый столпе, / монашествующихъ исправлѣние, / и ересей новоявленныхъ богодохновенными твоими писаньи / злочестивая ихъ уста заградилъ еси, / и демоновъ стремлѣния погубилъ еси, / Креста оружіемъ вся кознодѣйства отгоняя./ И, по преставлѣнии твоѣмъ жив, Святей Троице предстоиши, / о насъ моляся, чадехъ твоихъ, // даровати душамъ нашимъ мир и велию милость.

Радуйся, священная главо, / умомъ просвѣщеннымъ душу твою, отче, просветилъ еси / и от земныхъ преста́вился еси во Христово Царствіе, / Иосифе преблаженне, / в постницахъ ты свѣтелъ явился еси, / сладости нестарѣемая нынѣ насыщася./ О насъ, рабѣхъ твоихъ, / Христу Богу молися, // подати намъ оставлѣние грѣховъ и велию милость.

Слава, глас 6:

Преподѣбне отче, / сохранилъ еси доброту еже по образу Божию, / плоть покорилъ еси духу, / сего ради вселися в тя Пресвятый Дух, / Егѣже дѣйствиємъ свѣтло украшенъ, / приялъ еси дар исцелѣний / притекающимъ с верою ко грѣбу мощей твоихъ; / молися Христу Богу, / даровати намъ на врагѣ побѣду, / и миру мир, и церквамъ единомыслие, // и душамъ нашимъ велию милость.

И ныне, праздника, глас 8: В благознаменитый день:
(зри страницу 235).

На стиховне стихиры, глас 2.

Подобен: Дóме Евфрафов:

Приидите, ублажим/ преподобнаго Иосифа,/ по́стника, и воздérжника,/ и мона́хов нача́льника, // Христо́ва уго́дника.

Стих: Блаже́н муж, бойся Го́спода, // в за́поведех Его́ восхо́щет зело́.

Днесь, ве́рнии, ублажим/ преподобнаго Иосифа,/ и́стины сло́ва сказа́теля,/ и по Христо́ве ико́не побóрника, // и нечести́я обличи́теля.

Стих: Что возда́м Го́сподеви о всех, // я́же воздаде́ ми?

Блаже́н еси́, Иосифе,/ Христо́в уго́днице/ и Пречи́стая Богома́тере,/ пусты́нный жи́телю // и мона́шескую вую́щих наста́вниче.

Сла́ва, глас 2:

Приидите днесь, ли́цы мона́шества,/ притеце́м ко грóбу преподобнаго Иосифа,/ моля́щеся Христу́ Бо́гу на́шему,/ прося́ще грехо́в прощени́я,/ и во́инству на́шему на враги́ победы,/ и пленённым свобо́ждения,/ и ми́ру устроени́я,/ и це́рквам соединени́я, // и душа́м на́шим ве́лия ми́лости.

И ныне, праздника, глас тойже. Пронаречённая всех Цари́ца: (зри страницу 235).

Тропа́рь, глас 5:

Я́ко по́стников удо́брение/ и отце́в красоту́,/ ми́лости пода́теля,/ рассу́ждения свети́льника,/ вси ве́рнии, соше́дшеся, восхва́лим/ крóтости учи́теля/ и ересей посра́мителя,/ премúдраго Иосифа,/ россия́скую звезду́,/ моля́щася Го́споду // поми́ловатися душа́м на́шим.

НА УТРАНИ

На Бог Госпо́дь: тропа́рь праздника и богоотце́в. Сла́ва, преподобнаго. И ныне, праздника.

По 1-м стихосло́вию седа́лен, глас 1.

Подобен: Ско́ро предва́ри:

Досто́йно ублажа́ем тя, преподобне Иосифе,/ я́ко дерзнове́ние иму́ща ко Го́споду./ О нас при́сно моли́ся

избáвители врагов належáция напасти/ и даровáти нам, совершáющим святую пáмять твою, вéлию мýдлость.

Слáва, и ны́не, прáздника.

Аще ли кроме попра́зднства:

Слáва, и ны́не, Богородичен:

Ум челове́ческий по досто́янию пéти Тя, Влады́чице Пречы́стая Богородице, недоуме́ет,/ но мы зове́м Ти, я́же Арха́нгел Гаври́ил провещá: / ра́дуйся, Ада́мово свобожде́ние; ра́дуйся, прамáтере Евы оправда́ние;/ ра́дуйся, ми́ра спасе́ние; ра́дуйся, Ма́ти Христа́ Бо́га.

По 2-м стихослóвию седа́лен, глас 8.

Подóбен: Взбра́нной Воево́де:

Соше́дшеся, ве́рнии, в пáмять преподо́бнаго Ио́сифа, духо́вно прáзднуем,/ восхваля́юще Христа́ Бо́га на́шего, прославля́юща Своего́ уго́дника и да́ром чуде́с обогати́вшаго./ Притеце́м ве́рно ко грóбу моще́й его́/ и почерпе́м телесе́м здра́вие, кúпно и душа́м спасе́ние,/ и торжеству́ем све́тло во святу́ю пáмять его́.

Слáва, и ны́не, прáздника.

Аще ли кроме попра́зднства:

Слáва, и ны́не, Богородичен:

Взбра́нной Воево́де и Засту́пнице на́шей,/ к Тебе́ прибега́ем, Пречы́стая Богородице,/ побори́, Чы́стая, пленя́ющаго ны́ диа́вола и сводя́ща в стра́сти безче́стия./ Те́мже припада́ем к Твоему́, Пречы́стая, образу́,/ прося́ще избáвители вся́кия му́ки и огня́ ве́чнаго,/ заступи́ ны, Ма́ти Христа́ Царя́ Небе́снаго, да зове́м Ти:/ ра́дуйся, Невéсто Неискусобра́чная.

По полиеле́и седа́лен, глас 5.

Подóбен: Ра́дуйся:

Ра́дуйся, преподо́бне,/ принеси́й себе́ Христу́ жéртву жи́ву,/ и, от ю́ности усер́дно раба́тая Христу́ Бо́гу/ пéснями, постóм и воздержáнием,/ водвори́лся еси́ в пусты́ни, еди́н Еди́ному бесе́дуя./ Тем, ви́дев Господь твоё до́брое изволе́ние,/ со все́ми учини́ ты преподо́бными и пра́ведными/ водвори́тися в Небе́сном Цáрствии/ и со А́нгелы Христу́ пéти пeснь немóлчную./ Но, я́ко имаши дерзнове́ние к Нему́,/ моли́, мо́лимся, спасти́ся душа́м на́шим.

Слава, и ныне, праздника, или сей Богородичен:

К Богородице возопиим любовью:/ радуйся, граде Господень;/ радуйся, скиптре Давидов;/ радуйся, палато одушевленная;/ радуйся, стамно божественныя манны;/ радуйся, неопалимая купино,/ радуйся, свеще пресветлая и светильниче златый;/ радуйся, горб Божия приосененная;/ радуйся, огненосный престолу;/ радуйся, лестнице и двере Небесная;/ радуйся, желе, невлажно прозябый;/ радуйся, вся спасаючи от всяких бед и скорбей;/ радуйся, Владычице, мира спасение.

Степенна, 1-й антифон 4-го гласа. Прокимен, глас 4: Честна пред Господем// смерть преподобных Его.
Стих: Что воздам Господеву о всех, яже воздаде ми?
Евангелие от Матфея, зачало 43.

По 50-м псалме стихира, глас 6:

Преподобне отче Иосифе,/ очисти еси умное существо,/ и сохрани еси доброту еже по образу Божию,/ и плоть покорил еси духу:/ Того ради в тя вселися сила Божия,/ и приял еси дар исцелений./ Идече бо любовь и согласие,/ тамо добродетели познание,/ а идече зависть и рвение,/ тамо злобы явление./ Но убо мы бегаем сего убийственного помысла,/ от негоже да избавит ны Христос Бог,/ молитвами твоими, преподобне Иосифе, // и подаст душам нашим мир и велию милость.

Канон праздника, глас 2, и богоотцев на 8 и преподобного на 6. Аще кроме по праздниству, канон Богородицы на 6 и преподобного на 8.

Канон преподобного, глас 2.

Песнь 1

Ирмос: Во глубине постла иногда/ фараонитское всевоинство преоруженная сила,/ воплощшееся же Слово всезлбный грех потребило есть./ Препрославленный Господь, // славно бо прославися.

Тебе твоего, блаженне, учения долг приносяще,/ воздаяния простираем, венец похвальный плетуще:/ ты же, любовью увязен, пребогате,/ твоими святыми молитвами благодать нам подаждь духовную.

Всегубительное стремлѣние страстѣй, ѳтче, увядѣл есѣ,/ словѣснымъ обѣятъ богомудримъ,/ благопрѣбытен был есѣ и благогласен, кротокъ же и смиренъ,/ словомъ же премудрости, преподобне ѳтче Иѳсифе, и разумомъ венчанъ.

Священно украсил есѣ себѣ, преподобне ѳтче,/ дѣтельнымъ разумомъ благодати, богоглаголивѣ Иѳсифе,/ желая венца славы Христовы,/ и своей надежды изрядно, блаженне, не погрѣшил есѣ.

Целомудрие удержал есѣ яве,/ крайнюю же кротость и высокогласное смиреніе,/ ѣмиже возвышаемъ, трудовъ твоихъ дѣйствомъ и видѣніемъ, радуясь, принесѣся,/ венецъ неувядаемый приимъ трудовъ твоихъ воздаянія.

Богородичен: Тварей явилася есѣ, Чистая,/ всехъ видимыхъ и невидимыхъ превѣвши, Всенепорѳчная,/ Зиждителя бо родила есѣ, якоже изволи воплотитися во утробѣ Твоей./ Егѳже со дерзновѣніемъ моли спасти поющія Тя.

Ин канѳн преподобнаго, гласъ 6.

Песнь 1

Ирмос: Волною морскою/ Скрывшаго дрѣвле/ гонителя мучителя/ подъ землѣю скрѣша спасенныхъ ѳтроцы;/ но мы, яко ѳтроковицы,/ Гѳсподеви поимъ, // славно бо прославися.

О Бѳжій Слове, милостивѣ Христѣ Царю!/ Презри моя многая согрѣшенія,/ и отвѣрзи ми косноязычная уста,/ и духъ правъ обновѣ во утробѣ моей,/ и даждь ми, Христѣ, слово разума,/ да воспѳю Твоего угѳдника, преподобнаго Иѳсифа.

Повинулся есѣ, преподобне, вседѣшно твоему ѳтцу, преподобному Пафнѣтию,/ и был есѣ яко другій Исаакъ, ради крайняго послушанія./ Тѣмъже, преподобне, в ты вселѣся Пресвятѣй Духъ,/ Егѳже дѣйствиемъ свѣтло украшаемый,/ и нынѣ предстоѣши Святѣй Трѳице, радуясь.

Уподобился есѣ, преподобне Иѳсифе,/ дрѣвнему Иакову, послушавшу своей матери,/ ѳтчеѣ благословѣніе приѣмшему:/ ты же преподобному Пафнѣтию повинулся есѣ/ и, ѳт него благословѣніе приимъ,/ устрѳяешься пастырь Христова стада в тойже обители,/ Бѳгу тако извольшу.

Богородичен: К Тебѣ прибегаем, Богородице Всепѣтая, / и, Тебѣ припадающе, молимся, / Твоим ходатайством, Владычице, и молитвами Твоего угодника, преподобнаго Иосифа, / милостива нам сотвори Егоже пречисто и неведомо родила еси, / Христа Бога нашего.

Песнь 3

Ирмос: *Процвела есть пустыня, яко крин, Господи, / языческая неплодющая церковь / пришествием Твоим, // в нейже утвердися мое сердце.*

Даждь, Христѣ Спасе, прощение многих наших согрешений, / яко да и мы почитаем память Твоего угодника, преподобнаго Иосифа, / егоже молитвами спаси ны.

Твоими молитвами милостиваго умоляй Бога, преподобне отче наш Иосифе, / и греховный мрак печали нашей разори, / и благодущия утешение низпосли.

От младенства ты, блаженне Иосифе, познан был еси Богом / и на Того надеялся еси, наставляемь на спасительная Его повеления. / Емуже ныне предстои, со дерзновением о нас молись.

Богородичен: Единого Святыя Троицы, Слова Сына родила еси, Дево Пречистая, / Егоже с преподобным Иосифом о рабех Твоих моли, / верою просящих грехов прощения.

Ин

Ирмос: *Тобою, Христѣ, Небеса утверждаема вся, / Слово Божие и Сила, / исповѣдуют славу неизреченну, / и вседетельныя руки Твоея сотворение: // несть бо пресвят, разве Тебѣ, Господи.*

Не предаждь, Владыко, Твоего достояния врагом, хвалящимся на ны, / молим Тя, Милостиве, / спаси православныя христианы, и буди милостив Твоим рабом, / и избави ны, Христѣ Царю, мучения и огня негасимаго, / и сподоби ны деснаго предстояния, / молитвами преподобнаго Иосифа.

Наполнися сердце твое, преподобне, благодати Христовы и праваго учения, / был еси образ монашествующих, всякими добротами духовными: / не дал бо еси сна твоим очесем, ни веждам дремания, / но, яко

стяжал еси дерзновение ко Господу,/ моли о нас,
молим тя,/ да будет нам милостив в День Судный.

Яко лев страшен из пустыни устремився,/ устрашил
еси безбожных еретиков,/ имея, преподобне, меч духов-
ный, иже есть глагол Божий,/ посекл еси изникшая
нечестия/ и из корене исторгл еси злославных учения,/
собрал еси, яко трудолюбива пчела, от всех писаний
Божественная словеса/ и сими уста скверная безбож-
ных заградил еси,/ преподобне Иосифе.

Богородичен: Дивятся, Мати Божия, Небеснии чини
красоте души Твоея и чистоте девства Твоего;/ мы же,
земнии, недоумеем глаголати несказанного рождества
Твоего,/ емуже тайно научающесе, познахом Тя,
рождшую Христа Бога нашего,/ Егоже милостива нам
сотвори в День Судный страшного Пришествия Его.

Кондак и икос праздника.

Таже преподобнаго седален, глас 3.

Подобен: Красоте девства:

Христова угодника, Евангельскаго учения послуш-
ника,/ светло празднуем преподобнаго Иосифа память./
Приидите, ублажим странноприимца суща, сиротам и
вдовам заступника тепла,/ и нищим дателя нескудна,/
целомудрия хранителя, и добродетелей делателя,/ и ере-
сей обличителя непостыдна,/ и светильника русскаго,/
егоже ради просяще от Христа душам нашим спасения
и миру велия милости.

Слава, и ныне, праздника.

Аще ли кроме попразднства:

Слава, и ныне, сей Богородичен:

Земнороднии Тобою спасени быхом, Пречистая
Богородице,/ прежде век бо из Отца рождагося Сына
Божия породила еси,/ за милосердие многое благо-
волившаго из Тебе родитися,/ Иже спасе Адама пра-
отца и рай сотвори жителя./ Егоже моли, Мати
Преблагословенная,/ спастися нам, верно поющим Тя.

Песнь 4

Ирмос: Пришел еси от Девы не ходатай, ни Ангел,/ но
Сам, Господи, воплощся,/ и спасл еси всего мя чело-
века.// Тем зову Ти: слава силе Твоей, Господи.

Ты, преподобне Иосифе, монашествующих был еси венец,/ не камением многоценным украшен, но добродетельми обложен,/ и явился еси, блаженне, благодарованное воистину украшение.

Божественную, богомудре, почтил еси Мудрость,/ яже ты даровании благими обогати, славу вечную тебе исходатайствовавши,/ преподобне отче, Иосифе всечестне.

Светлостию нравов твоих и образы благодати, преподобне отче Иосифе,/ подобне пожил еси;/ темже благоприступен ты всем был еси, всеблаженне досточудне.

Богородичен: Умерщвление плодом мне Ева принесё,/ Ты же, Жизнь рождши Ипостасную, Пречистая, абие исправила еси./ Темже зовём Ти: слава силе Твоей.

Ин

Ирмос: Удивися Твой разум от мене,/ услышавшу преславная веления смотрения Твоего,/ укрепися же возлюблением Твоего схождения:// Ты бо моя нищеты не отверглся еси.

Якоже древле Иосифу Прекрасному завидевше, братья совет лукав умыслиша,/ тако и на ты, преподобне Иосифе, советоваша лукавое умышление./ Ты же, любвию ко Христу вперяемь, сих негодования в ничтоже вменив,/ непрестанно молися о нас Господу.

Изшел еси, преподобне, от идеже прежде начальствуя,/ Христу Царю Небесному моляся и Пречистой Богородице,/ шествуя на место, Богом тебе показанное,/ и тамо пустыню населяеши Христа ради,/ в нейже зарю светлу узрети сподобился еси благодати духовных,/ блаженне Иосифе.

Преподобне отче, уподобился еси Иосифу Прекрасному:/ не покорился бо еси сладострастию,/ и зело тщался еси о целомудрии, мысленнаго змия победил еси,/ и соннаго жития небрегл еси, из темницы тела изшел еси,/ и царь не Египта, но страстей был еси,/ и добродетели пшеницу собрал еси,/ еюже ны, чада твоя, питаеши.

Богородичен: Пречистая Богородице, вемы Тя, христиане, твердую Защитницу,/ и скорую Помощницу, и в бедах избавление./ Темже молим Тя:/ испроси нам

у Христа множеству согрешений прощение и вечныя мѹки избавление.

Песнь 5

Ирмос: *Ходатай Богу и человеком был еси, Христѣ Бже, / Тобою бо, Владыко, к Светоначальнику Отцу Твоему / от нощи неведения // приведение ймамы.*

Умом чыстым Писанием Божественным бесѣдовал еси, / богоглаголиве Йосифе, / и видения и деяния собрав богатство, отче преподобне.

Премудрости глубинѹ испытав, мудре Йосифе, / достигл еси обрести, елико благопотребно, / и бисер многоценный болѣзными стяжал еси, преблаженне, разума.

Аще земное отечество, блаженне Йосифе, оставил еси, / всячески благоименитну Божии Матери обитель создал еси / и множество монашествующих в ней собрал еси, / сего ради первое Отечество Небесное приял еси. / Со дерзновением, отче, за ны молися Христу Богу, рабы твоя.

Богородичен: *Се во чреве, Богородице Пречыстая, / Христа Бога паче слова имела еси, / якоже Исаяя провозгласи, / и выше естества Сего, Богородительнице, родила еси.*

Ин

Ирмос: *Мир мног любящим Тя, Христѣ, / и ночь просвещения в пищи словес Твоих, / сего ради, от нощи утренююще, // просим милости от Тебѣ, Человеколюбче.*

Всяк писменник, научився Божественному Писанию, подобен есть Царствию Небесному; / ты же, преподобне, поревновав Евангельскому учению, / и от сего приял еси крепость духовную, / Схария евреина посрамил еси и его проклятыя ученики, таяжде мудрствующия, / и анафеме предал еси.

Преподобне отче, дарова тебе Бог мудрость и слово разума; / ты же проповедал еси в Трех Лицах Единого Бога / и сему свидетельство привел еси от Божественных Писаний, / научая поклоняться в Троице Единому Богу.

Преподобне отче Йосифе, / безумныя еретики, глаголющия, яко еще Христос не родился, обличив ясно, / сказал еси, яко родился Христос нашего ради спасения

от Пречистой Девы Марии, / и нас ради пострада волю распятие, и воскрес тридневно, / и паки грядет со святыми Ангелы судити весь мир.

Богородичен: О безумнии еретицы и отступницы и непокоривии еврею, / егбоже вы чаете, той несть Христос, но антихрист есть, якоже свидетельствуют Божественная Писания. / Мы же исповедуем Христа Бога нашего, рождашагося неискусомужно от Девы Чистой Марии; / Еяже молитвами избави нас, Христе, от таковыя прелести и спаси души наша.

Песнь 6

Ирмос: В бездне греховней валяяся, / неизследную милосердия Твоего призываю бездну: // от тли, Боже, мя возведи.

Вселенней светило пресветлое, отче, явился еси, Иосифе, / словесы духовными просвещая / верою и любовью к тебе притекающия.

Блаженное житие, отче, прешел еси, наздав убо чувства, / вне был еси мирскаго мятэжа / и Богу приблизился еси, преподобне Иосифе.

Зело милостива и странноприимца показá ты Спас наш миру, отче, / и врача болящим, Иосифе, / сиротам и убогим заступника любезна.

Богородичен: Паче естества, Дево, родила еси / и вечноуши Дева, / явльшиися истиннаго Сына и Бога Твоего Мати Чистая.

Ин

Ирмос: Бездна последняя грехов обыде мя, / и волнения не ктому терпя, / яко Иона, Владыце вопию Ти: // от тли мя возведи.

Яко священник сый поистине, приносил еси Христу Богу Жертву Безкровну, / тайно возложенную и от Ангел славимую, / от Бога Отца приемлему и Святым Духом осеняему, / и нам на спасение даруему.

О безумнии еретицы! / Что поощряете языки богохульные, глаголюще: / не можаше ли Бог не родився спасти мир инако? / Ты же, преподобне Иосифе, сих уста заградил еси, / научая славити Христа Бога нашего.

Преподобне отче Иосифе, / еретиков уста заградил еси, приводя свидетельства от Божественных Писаний: / пытайте, рече, безумнии, Писания, / яко явилася есть

Святая Троица Аврааму в Трех Лицах, во Едином Божестве.

Богородичен: Припадаем Тебе, Пречистая Богородице, со умилением глаголюще: / избави ны, Мати Христа Бога, всякия прелести, разлучающия от Бога, / и сподоби в День Судный получитьи от Христа милость / и не отпасти деснаго предстояния.

Кондак, глас 8.

Подобен: Взбранной:

Жития треволнения, и мятеж мирский, / и страстная выиграния в ничтоже вменив, / пустынный гражданин показался еси, / многих быв наставник, Иосифе преподобне; / монахов собратель и молебник верен, чистоты рачитель, // моли Христа Бога спастися душам нашим.

Икос:

Божественными добродетельми твоими себе, мудре, украсил еси / и Спаса Христа жилище соделал еси, отче, мужественне, / якоже злато искусився верою к Богу, и надежду, и любовь, обеты полагая: / воздержанием постився, яко безплотен, / в целомудрии и в смирении возвысился еси. / Темже и мы, молитвами Твоими просвещенные, преподобне Иосифе, вопиём ти: / радуйся, яко измлада Богу послужил еси; / радуйся, яко притекающих к тебе ко спасению ходатай был еси; / радуйся, христоролюбивому воинству похвала; / радуйся, яко твоими молитвами противнии побеждаются; / радуйся, яко всем просящим даёши дар, от Господа дарованный тебе; / радуйся, яко чудесы твоя Бог прославляет и всех звати тебе научает: / радуйся, преподобне отче Иосифе, постников удобрение, / моли Христа Бога спастися душам нашим.

Песнь 7

Ирмос: Богопротивное веление беззаконующаго мучителя / высок пламень вознесло есть. / Христос же простре богочестивым отроком росу духовную, // сый Благословен и Препрославлен.

Благоухают, преподобне Иосифе, твоих учений сладкая словеса любящим тая, / устрашают же еретиков мудрования. / Благодатию бо Святаго Духа глаголал

есї, / Божество́ Едино проповѣдуя в Трех Ли́цах; / Сло́ва же Воплоще́ние поя, благоуха́еши нас, пребога́те.

Риз ху́дость имѣл есї, преподо́бне Йо́сифе, / в зимѣ же и лѣте не пременя́я, / бо́лезненно претерпева́л есї, Бо́га ра́ди соверше́нно; / те́мже и Небе́снаго прїя́тїя сподо́бился есї насле́дник бѣ́ти.

Сло́во твоѣ со́лю растворѣно, о́тче, / и житїѣ твоѣ благода́тию, преблаже́нне, сия́ явїся, пречу́дне. / Те́мже и в вѣ́шнїя обїтели, ра́дуясь, всели́лся есї, / Христу́ со дерзнове́нием ны́не предсто́йши, о нас моля́ся.

Богоро́дичен: Управля́ющи, Пречї́стая, на́ше житїѣ, / к Твоему́ все́тїхому прїста́нїщу напра́ви: / Бо́га бо родила́ есї, благо́х Исто́чника, / всем пода́ющи ве́рным нетле́нїя благода́ти.

Ии

Ирмо́с: О́троцы в Вавило́не пе́щнаго пла́мене не убоя́шася, / но, посреде́ пла́мене вве́ржени, ороша́еми, по́яху: // благосло́вен есї, Го́споди Бо́же оте́ц на́ших.

Сказу́я, преподо́бне, от Божѣ́ственных Писа́нїй, / ка́ко и ко́ея ра́ди вины́ подоба́ет христиа́ном / покланя́тися и почита́ти свята́я ико́ны, и честный́ Крест Христо́в, и проча́я священна́я воображе́нїя, / сим прїя́л есї от Христа́ дарова́нїя, поя: / благосло́вен есї, Го́споди Бо́же оте́ц на́ших.

Из Егїпта страсте́й изше́л есї, преподо́бне, / и прешѣ́л есї мо́ре житѣ́йское без исто́плѣнїя, / и дости́гл есї Го́ру Небе́сную, / мно́гїя грѣ́шных ду́ши приводя́ Христу́ пока́нїем и поя: / благосло́вен есї, Го́споди Бо́же оте́ц на́ших.

Пото́пїл есї, преподо́бне, фара́она мы́сленнаго в вода́х слез тво́их, / и его́ колесни́цы, ѿже суть лука́выя де́моны, / и ко́ни и вса́дники, злоу́мныя ерети́кї и безбо́жныя, / и, ра́дуясь, песнь побѣ́дную воспѣ́л есї: / благосло́вен есї, Го́споди Бо́же оте́ц на́ших.

Богоро́дичен: Аз, Де́во Чї́стая, к Тебе́ прибега́ю, ока́янный, иски́й Тобо́ю обрестї́ спасѣ́нїе: / вем бо, Пречї́стая Влады́чице, я́ко мо́жешї, ели́ка хо́щешї. / Христа́, Его́же родила́ есї, Пречї́стая, моли́, / да бу́дет нам ми́лостив в Де́нь испытанїя, пою́щим: / благосло́вен есї, Го́споди Бо́же оте́ц на́ших.

Песнь 8

Ирмос: Пещь иногда огненная в Вавилоне действия разделяше, / Божиим велением халдеи опаляющая, / верныя же орошающая, поющая: // благословите, вся дела Господня, Господа.

Венец благолепен Христос Жизнодавец на верх твой положи, тезоименне Иосифе, / деяньми бо просиял еси и видении, зовый: / благословите, вся дела Господня, Господа.

Вся прешед чувственная, преблаженне, Уму Первому приблизился еси / души твоея чистотою, жития же светлостию, венченосче Иосифе, зовый: / благословите, вся дела Господня, Господа.

В души твоей Божественное богатство Духа Святаго собрав, / непорочную молитву и чистоту краснолепную, бдение и воздержание, / сего ради жилище Святыя Троицы явился еси, преподобне Иосифе.

Богородичен: Владычице Пречистая, грешников спасение, прими мольбу сию / и избави мя от грехов моих, Твоему Сыну прибегающего, / молитвами угодника Твоего, преподобнаго Иосифа.

Ин

Ирмос: Ужаснися, бойся, Небо, / и да подвижатся основания земли: / се бо в мертвецех вменяется в Вышних Живый / и во гроб мал странноприимлется. / Егोजе, отроцы, благословите, / священницы, воспойте, // людие, превозносите во вся веки.

Что, безумнии еретицы, все мятетесь, глаголюще, / яко уже семь тысяч лет скончашася, Христова же пришествие еще несть? / Сия глаголющих дерзостне обличил еси, сказуя: / близ есть, при дверех, пришествие, / яко глаголют пророцы и апостоли, имже сказа Святыи Дух, и научая пети: / Егोजе, дети, благословите, священницы, пойте и превозносите во вся веки.

Страшно есть впасти в руке Бога Жива, безумнии, не льститеся, / не крестит Христос по смерти спасенным крещением неправое о Нем мудрствующих, / но во огни негасящем мучит; / мы же, вернии, у Христа просим время покаяния, / да будет нам милостив в День страшнаго Его Пришествия. / Сия, преподобне, глаголал еси

и нас учи́л еси́ пѣти:/ Гóспода, дѣти, благословіте, священницы, пойте и превозносите Егó во вѣки.

Моисей великий в пустыни повелé Изра́иллю выпрѣ на мѣдный змий взирати,/ и тако угрызѣния зми́йна избавляхуся./ Ты же, преподóбне, нечестивыя научая поклоня́тися Кресту́ Животворя́щему,/ и славити Святу́ю Трѳицу во Еди́ном Божествѣ,/ и сим избавля́тися прѣлести зми́я мýсленнаго, дя́вола,/ и нас уча́ пѣти:/ дѣти, благословіте Гóспода, священницы, пойте и превозносите Егó во вѣки.

Богорóдичен: Тобóю, Пречы́стая Богорóдице, от вся́кя напа́сти избавля́емся,/ избáви ны, Мáти Бóжия, вѣчнаго осуждѣния, да зовѣм Ти немóлчно:/ рáдуйся, купино́ неопали́мая; рáдуйся, горó присѣнная;/ рáдуйся, запечатанный истóчнице; рáдуйся, Дѣво Чы́стая, Госпóдь с Тобóю,/ Егóже благословіт вся тварь и превозно́сит во вся вѣки.

Песнь 9

Ирмос: *Безначáльна Родителя́ Сын, Бог и Госпóдь,/ воплощýся от Дѣвы, нам явй́ся,/ омрачѣнныя просветити, собрати́ расточѣнная.// Тем Всепѣтую Богорóдицу велича́ем.*

Пречестный́ óтче Ио́сифе,/ ны́не чы́сто услажда́ешися пи́щею па́че умною,/ идѣже собóри святых́ óкрест Гóспода ликуют, блаженне;/ иже ны́не чту́щия тя, ходáтайствуя, к себѣ привлецы́.

Прешѣл еси́, рáдуяся, к желáнием райа́,/ ко еди́ному и́стинно я́ве блаженству́,/ к пребóльшей добрóте и к жизни и́стинно нестарѣющейся,/ и к Свѣту Невечѣрнему́, богоно́се óтче Ио́сифе.

Я́коже со́лнце, просия́л еси́ в мона́шеских собóрех,/ от младых́ бо ногтѣй освящен́ был еси́,/ я́коже зарю́, испущая́ добродѣтели своего́ жития́,/ преподóбне Ио́сифе, богоно́се óтче пребогáте.

Богорóдичен: Разумѣвше изда́леча прозорли́выми очесы́,/ прорóцы Тя я́ве провозвестй́ша,/ хотя́щую Мáтерь б́йти Вседѣтеля́ и Влады́ки всех./ Тем Тя, Всепѣтая́,/ Богорóдицу исповѣдуем.

Ин

Ирмос: *Не рыда́й, Менѣ, Мáти,/ зря́щи во грóбе,/ Егóже во чре́ве без се́мене зачала́ еси́ Сы́на./ Воста́ну бо*

и прославлюся/ и вознесу со славою непрестанно, яко Бог, // верою и любовью Тя величающия.

Преподобне отче Иосифе,/ поминай нас, чада твоя, ко Христу Богу нашему, / да спасет от всяких бед и скорбей/ и сподобит милости и деснаго предстояния в День Судный, / славити Свое Божество, верою и любовью Того величающия.

Преподобне отче Иосифе,/ монашеское житие возлюбил еси и хулящих тое уста заградил еси, / апостола Павла яже к Тимофею словеса возвещая, / яко монашеское житие Богу приятно есть, / Ему же и ты сим благоугодил еси; / сего ради ты ублажаем.

Яко Иисус Навин подвизася на иерихоняны, / тако ты, блаженне, словесы твоими безбожных уста заградил еси отступников / и многая неверия укротил еси, / научая славити Святую Троицу: / сего ради ты ублажаем.

Богородичен: О Пресвятая Владычице Богородице! / Не имама помощи инья, разве Тебе, / молися Сыну Твоему и Богу нашему, с преподобным Иосифом, / да соблюдет люди Твоя и сохранит страну нашу нерушимо, / и да спасет ны, верою и любовью Тя величающия.

Светилен преподобнаго:

Мирскаго пристрастия, яко скверны, уклонился еси, / и алчбою плоть твою увядил еси, отче, / и Небесною славою со Ангелы обогатился еси; / темже непрестанно моли Христа Бога, преподобне Иосифе.

Слава, и ныне, праздника.

На хвалитех стихиры на 4, глас 5.

Подобен: Преподобне отче:

Преподобне отче, / душу твою с телом очистил еси / и Святаго Духа прекрасная обитель явился еси, / и славна ты концем, преблаженне Иосифе, содела, / в чудесех же велика светильника, / просветившаго сущия во мраце неведения; // яко наставника многих монахов, сошедшеся, велемудренно ублажим.

Явился еси, богоблаженне, мудрая пленница, / связующая многая врагов ополчения: / темже и венцем венчался еси неувядаемым, / веселие и радость вечную восприял еси, / богомудре Иосифе. / Моли даровати мир миру // и душам нашим велию милость.

Преподобне отче, / телесныя страсти зельным воздержанием / и постническими молитвами же и труды успил еси, / слезными же потоки и поты углие сладострастия погасил еси. / Того ради в чудесех славна ты показа Господь российским людем, / Иосифе блаженне, / и украси ты вышними дарованиями. / Ему же служиши с Небесными Силами, // Иисусу Человеколюбцу и Спасу душ наших.

Слава, глас 6:

Приидите, празднлюбцы / и постников сословие, / верою сошедшися, / истиннаго постника днесь почитим, / радостно шествовавшего по стопам Владыки Христа / узкий путь и безстрастное житие. / Якоже древле Авраам праведный, / преподобне отче Иосифе, / страннолюбие притяжал еси, / такожде преселился еси от отечества твоего до места, / идеже ныне лежат честное тело твое. / Тем же вси притекаяюще, вопиём ти: / о всеблаженне и преподобне Иосифе, / постников похвало, и собеседниче безплотных, / воинству нашему на поганья способниче, / и наставниче монахов, / и о нас молися, рабех твоих, Христу Богу нашему, // спастися душам нашим.

И ныне, праздника.

НА ЛИТУРГИИ

Блаженны от канона праздника, песнь 1-я, на 4, и преподобнаго, песнь 6-я, на 4. Прокимен, глас 7-й: Честна пред Господем // смерть преподобных Его. Стих: Что воздам Господеву о всех, яже воздаде ми? Апостол к Галатам, зачало 213. Аллилуия, глас 6-й: Блажен муж, бойся Господа, в заповедех Его восхощет зело. Стих: Сильно на земли будет семя его: Евангелие от Матфея, зачало 43. Причастен: В память вечную:

Молитву зри 18 октября.

Преподобный Иосиф Волоцкий (в миру Иоанн Санин) родился 14 ноября 1440 года.

Его благочестивые родители Иоанн и Марина, жившие в селе Язвище-Покровское (близ г. Волоколамска), отдали семилетнего отрока в обучение старцу Волоколамского Кресто-Воздвиженского монастыря Арсению. За два года даровитый отрок изучил все Священное Писание

и стал чтецом в монастырской церкви.

В 20 лет Иоанн ушел в пустынь близ Тверского Саввина монастыря, к старцу Варсонофию, а затем по его благословению — в Боровский монастырь, к преподобному Пафнутию, который постриг юношу в иночество с именем Иосиф.

Около 18 лет провел преподобный Иосиф под руководством святого

подвижника, с усердием выполняя суровые подвиги монашеских послушаний. По преставлении преподобного Пафнутия († 1 мая 1477) игуменом Боровского монастыря был назначен преподобный Иосиф. Движимый ревностью о спасении, преподобный ввел в монастыре общежительный устав. Это вызвало недовольство некоторых иноков. Тогда преподобный Иосиф, покинув обитель, обошел многие русские монастыри и, как простой послушник, поступил в Кирилло-Белозерский общежительный монастырь. Там он еще более утвердился в желании основать общежительную обитель. Когда в Кирилло-Белозерском монастыре узнали, что преподобный носит сан игумена, он удалился в волоколамские пределы, где при слиянии рек Струги и Сестры, в глухом лесу, на месте, чудесным образом расчищенном налетевшей бурей, в 1479 году основал обитель Успения Пресвятой Богородицы.

Свой личный подвиг в строгом воздержании, неослабном труде и неусыпной молитве преподобный сочетал с постоянной заботой о духовном совершенствовании братии монастыря, для которой написал «Устав».

Преподобный Иосиф воспитал целую школу иноков-подвижников. Многие из них вошли в лик российских святых, были архипастырями Русской Церкви; сам монастырь стал центром духовного просвещения на многие столетия.

Другим великим подвигом преподобного Иосифа была его борьба



против возникшей в России в XV веке ереси жидовствующих. Он решительно разоблачал еретиков и написал «Сказание о новоявившейся ереси» и 11 Слов, в которых изложил православное учение о Пресвятой Троице, об Ипостаси Господа Иисуса Христа, о втором пришествии Спасителя. Собранные впоследствии вместе и дополненные еще 5-ю Словами, эти сочинения получили название «Просветитель» и до сих пор служат руководством в Православном богословии.



В
ТОЙЖЕ
ДЕНЬ

Святителя Феодосия, архиепископа Черниговскаго, чудотворца

НА МАЛЕЙ ВЕЧЕРНИ

На Господи, воззвах: стихиры на 4, глас 6.

Подобен: Все отложше:

Настá, богомудре Феодосие,/ со́лнца светлейший
твой пра́здник,/ ве́рныя к весéлию созыва́яй и
лучáми ра́дости всех просвещáяй;/ в тебе́ бо яви́ся

сла́ва Христо́ва,/ сла́ва Це́ркве Правосла́вныя,/ дивны́ми сия́ющи чуде́сы./ Те́мже любóвию вопи́ем ти:// моли́ся о нас при́сно, о́тче свяще́ннейший.

Егда́ при́иде вре́мя, Бо́гом преду́ставленное,/ тогда́ просла́ви тя дивны́й во святы́х Свои́х Бог./ Вои́стину бо чу́до пресла́вно:/ на мно́га ле́та те́ло твоё нетле́нно пребы́ть/ и ны́не яви́ся исто́чник исцеле́ний всем с ве́рою к тебе́ притека́ющим./ Сла́ва Да́вшему ти кре́пость,/ сла́ва Венча́вшему тя,// сла́ва Де́йствующему тобо́ю всем исцеле́ния.

Свётло лику́ет ны́не страна́ Росси́йская,/ прославля́ющи святу́ю па́мять твою́,/ о́тче святите́лю Феодо́сие,/ ты бо но́ваго моли́твенника сия́ обре́те/ и те́плаго предста́теля у Престо́ла Бо́жия,/ ско́раго в беда́х засту́пника и немощны́м врача́ безме́зднаго./ Сла́ва Дарова́вшему ти благода́ть исцеле́ний,/ сла́ва Просла́вльшему тя,// сла́ва Прославля́ющему тобо́ю Святу́ю Це́рковь Свою́.

Сла́ва, глас и подо́бен то́йже:

Восхва́лим днесь пе́сньми чудотворца пресла́внаго,/ егóже Христо́с Це́ркви Своёй дарова́,/ изве́ствуя и́стину ве́ры на́шея правосла́вныя/ ко обличе́нию суетна́я му́дрствующих и ко вразумле́нию заблужда́ющихся./ Ра́дуйся, о́тче наш, святите́лю Феодо́сие,/ небесе́ церко́внаго звездó пресве́тлая;/ ра́дуйся, земли́ Росси́йския чу́дная похвало́;/ ра́дуйся, всех боля́щих и скорбя́щих ско́рый и ми́лостивый утешите́лю;// ра́дуйся, те́плый моли́твенниче о душа́х на́ших.

И ны́не, пра́здника.

На стихо́вне стихи́ры, глас 2.

Подо́бен: До́ме Евфра́фов:

Дом Ду́ха Свята́го яви́лся еси́,/ преблаже́нне о́тче Феодо́сие,/ ду́шу и те́ло от страсте́й очисти́в,/ смире́нием же и любóвию себе́ украси́в,// я́ко досто́йное Тому́ жили́ще.

Стих: Свяще́нницы Твой облеку́тся в пра́вду,// и преподо́бнии Твой возра́дуются.

Святите́лей похвало́,/ мона́шествующих сла́во,/ о́тче Феодо́сие,/ предсто́я Престо́лу Пресвяты́я Трои́цы,// непреста́нно моли́ся о душа́х на́ших.

Стих: Блажен муж, бойся Господа, // в заповедех Его восхощет зело.

Услыши моления твоих чад, / отче святителю Феодосие, / любовь к тебе притекающих, / и сердечная прошения подавай // чтущим святыю память твою.

Слава, глас 8:

Отче святителю Феодосие, / кто исповесть труды и подвиги твои, / яже любви ради Христовы подъял еси? / Постом бо и бдением и молитвою непрестанною / вся плотская мудрования умертвил еси; / смирением же и терпением и любовью к ближнему / во обитель Духа Святаго себе уготовал еси. / Темже и вселился еси во обители Небесныя, / идеже ныне водворяясь, // молися присно о душах наших.

И ныне, праздника.

Тропарь писан на велицей вечерни.

Слава, и ныне, праздника.

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8: праздника на 4 и святаго на 4, глас 2:

Отче святителю Феодосие, / аще и в тайных подвигах течение совершил еси, / обаче не можаше утайтися дивное благоухание боголюбезнаго смирения твоего. / Темже и явился еси светильник пресветлый, / не под спудом сокрываемый, / но на свещнице Церкви Божия поставленный / и от Бога прославляемый, // Егоже моли о душах наших.

Отче святителю Феодосие, / аще и возведен был еси на престол святительский / яко муж, благодати исполненный, / обаче и простоту иноческаго жития сохранил еси, / в добром послушании отцу твоему духовному пребывая / и всем образ смирения являя, / по образу Господа Иисуса, // Егоже моли о душах наших.

Отче богомудре Феодосие, / аще и не на долзе пастырь Христовы Церкви был еси, / обаче любовь велию от паствы твоея стяжал еси, / всех любовью твоею объемя и скорбящих утешая, / сирым же и вдовицам

на по́мощь притека́я./ Тёмже и по блаже́нном пре-
ставле́нии твоём/ к тебе́, я́ко жи́ву су́щу, притека́юще,/
скорбя́щии и боля́щии оби́лие благода́ти прие́м-
лют,/ сла́вяще дивнаго во святы́х Свои́х Христа́ Бо́га, //
Его́же моли́ о душа́х на́ших.

Сла́ва, глас 6:

Челове́че Бо́жий и ве́рный ра́бе,/ служи́телю Госпо́д-
не, / му́жу желáний, / сосу́де избра́нный Свята́го
Ду́ха, / сто́лпе и утвержде́ние Це́ркве, / Ца́рствия на-
сле́днице, // не премолчи́ моля́ся о нас ко Го́споду.

И ны́не, пра́здника.

Вход. Прокі́мен дне, и чтéния три святі́тельская.

Прі́тчей чтéние: Па́мять пра́веднаго с похвала́ми,
и благослове́ние Госпо́дне на главе́ его́: Прі́тчей чтé-
ние: Уста́ пра́веднаго ка́плют прему́дрость, язы́к же
непра́веднаго поги́бнет: Прему́дрости Соломо́новы
чтéние: Пра́ведник, а́ще пости́гнет сконча́тися: (*зри
страницы 755–756*).

На литі́и стихи́ры, глас 2.

Подобен: Егда́ от Древа́:

Егда́ предста́вился еси́ от земны́х в Небе́сная, / о́тче
святі́телю Феодо́сие, / тогда́ дивны́й во святы́х Свои́х
Бог / исцелéний благода́ть тебе́ дарова́. / Яви́л бо ся еси́
боля́щему архиере́ю Иоáнну / и, во у́трие священно-
де́йствовати ему́ повелéв, / а́бие тогó здра́ва сотвори́л
еси́. / Тёмже и радостне покланя́яся тебе́, / со умилéнием
взыва́ше: // сла́ва Прославля́ющему святы́я Своя́.

Все́м предста́тельствуеши, святі́телю, / притека́ю-
щим с ве́рою под кров твой: / явля́еши бо ся в ско́рбех
утéшитель, / в боле́знях благода́тный врач, / на пути́
спасéния наста́вник прему́дрый, / о всех пред Бо́гом
моли́твенник тепле́йший. / Сего́ ра́ди, любóвию чту́ще
святу́ю па́мять твою́, / к тебе́, я́ко отцу́ премилосе́рдому,
взыва́ем: // моли́ о нас, святі́телю Феодо́сие.

Сла́ва, глас 3:

Дивна́я и пресла́вная чудеса́ яви́ тобою́ чудес Бог,
о́тче Феодо́сие, / егда́ честны́я твоя́ и многоцеле́бныя
мо́щи просла́вити благоволи́: / слепи́и бо прозира́ху, /

немии благоглаголиви бываху,/ разслабленнии и хромии исцеляхуся,/ и всяка немощь и болезнь силою Божиею прогоняшеся,/ и от всех имя Божие прославляшеся;/ тобою бо яве посети Господь землю Российскую,/ тобою и мы видехом величия Божия./ Тёмже, благоговейне чтуще святую память твою,/ к тебе припадаем и тебе молимся:// молися о спасении душ наших.

И ныне, праздника.

Аще же несть праздника, Богородичен, глас тойже:

Богородице и предстательство всех молящихся Тебе,/ о Тебе дерзаем и Тобою хвалимся,/ к Тебе прибегаем и Тебе молимся:/ молися о спасении душ наших.

На стиховне стихиры, глас 5.

Подобен: Радуйся:

Радуйся, святителю Феодосие,/ Церкви Российския преславное украшение,/ града Чернигова светлая похвало,/ Православия столпе непоколебимый,/ во обличение мудрваний нечестивых от Бога прославляемый/ и чудотворец являемый./ Радуйся, новый наш молитвенник пред Богом,/ Ему же, вину предстоя со всеми святыми,// молися о спасении душ наших.

Стих: Честна пред Господем// смерть преподобных Его.

Радуйся, священная главо,/ иноков наставник богомудрый,/ от юности Христа возлюбивый/ и яго Его благое с радостью понесый;/ радуйся, не словом токмо,/ но паче делом и образом жития твоего всех к Богу приводяй,/ Ему же и ныне предстоя, молися о чадах твоих,/ верою и любовью чтущих святую память твою,// отче святителю Феодосие.

Стих: Священницы Твои облечутся в правду,// и преподобнии Твои возрадуются.

Радуйся, архиерею Божий,/ добротами святительства преукрашенный и добродетелию сияй;/ радуйся, смирения зеркало,/ кротости и незлобия светлый образе,/ любве же неистощимое сокровище;/ радуйся, и по кончине твоея паствы не оставивый,/ но присно той благодетельствуяй и, яко отец чадолюбивый, себе являй./ Тёмже и мы, память твою празднующе,/ к тебе,

яко отцѹ, прибегаем и любовию к тебе взываем:// моли о нас, отче наш, во еже спастися душам нашим.

Слава, глас и подобен тойже:

Приидите, христонбнии людие, / пѣсньми венчаим новаго чудотворца пречуднаго, / егѡже дивный во святых Своих Христос прослави / и теплаго предстателя земли Россійстей дарова. / Радуйся, отче наш Феодосие, / скорый в скорбех наших утешителю; / радуйся, болящих врачу премилостивый; / радуйся, всем и коемуждо яже ко спасению у Господа испросити готовый. / И ныне, предстоя Престолу величества Егѡ, / яко верный и добрый слуга Господень, в радость Господа своего призванный, // Того моли о спасении душ наших.

И ныне, праздника.

Тропарь, глас 4:

Преудобрѣн во архиереех, / святителю Феодосие, / был еси светило своему стаду, / таже преставился еси в вечныя обители. / Умоли у Престола Царя Славы / избавитися нам от находящих на ны зол // и спастися душам нашим, святе, молитвами твоими.

НА УТРЕНИ

На Бог Господь: тропарь праздника дважды. Слава, святому. И ныне, праздника.

По 1-м стихословии седален, глас 6:

Якоже иногда прикосновением омет Христовых исцеляхуся недужнии / и якоже главоотяжи и убрѹсцы Павловы врачевашу болѣзни неисцельныя, / сѣце и ныне мнози болящии исцеляются, одѣжды твоея коснувшеся, / еюже облечены быша мѡщи твоя, святителю Феодосие. / Темже, радуящеся и славяще Бѡга, любовию вопиѣм ти: / исцели и наша болѣзни душевныя и телесныя молитвами твоими, всеблаженне.

Слава, и ныне, праздника, или Богородичен, глас тойже:

Безпомощным крепость Ты еси воистину, Пресвятая Дѣво Мати, / отсюду, смиреннии, Тобою возвышаемся, о Тебе высоко держимся, / всем бо Ты еси покров и к Бѡгу Ходатаица.

По 2-м стихословии седален, глас 4:

Ересём умножающимся и души простыя смущающим,/ тебе, яко свидетеля истины неложна, яви Христос Господь в Церкви Своей,/ не словесы любомудрия суемудрие человеческое побеждающа,/ но чудесы и знамении многими веру святыю утверждающа,/ в радость и спасение всех/ любовью чтущих святыю память твою, отче святителю Феодосие,/ и вину поющих Богу:/ слава Прославляющему святыя Своя.

**Слава, и ныне, праздника,
или Богородичен, глас тойже:**

Деве Всенепорочная, Яже Пресущнаго Бога рождающая,/ со святителем Феодосием Того непрестанно моли/ оставление прегрешений дати нам прежде конца,/ верою и любовью поющим по долгу, единая Всепетая.

Величание и псалом избранный святительский.

По полиелеи седален, глас 6:

Войстину пастырь, и отец, и наставник благодатный/ и по успении твоём показуешься, отче наш Феодосие,/ являясь бо болящим во сне,/ поучаеши тех почитать Церковь Божию и тоя божественныя уставы,/ причащаются же Таин Божиих во спасение души/ и моления ко Пречистой Матери Божией возносить,/ с Неюже молися присно о спасении душ наших.

**Слава, и ныне, праздника,
или Богородичен, глас тойже:**

Скорый Твой покров, и помощь, и милость покажи на рабех Твоих,/ и волны, Чистая, укроти суетных помыслов,/ и падшую мою душу возстави, Богородице,/ вем бо, вем, Деве, яко можешь, елика хочешь.

Таже степенна, 1-й антифон 4-го гласа. Прокимен, глас 4: Честна пред Господем// смерть преподобных Его. Стих: Что воздам Господеву о всех, яже воздаде ми? Евангелие от Иоанна, зачало 36.

По 50-м псалме стихира, глас 6:

Угодниче Божий,/ сопричастниче Христов,/ святителю Феодосие,/ по имени твоему тако и житие

твоё,/ всего бо себе в дар Бóгу принося,/ дар Бóжий
войстину земли Россійстей явился еси./ Жизнь твоя
славна бысть/ и успение со святыми,// моли о душах
наших.

**Канон праздника со ирмосом на 6.
И святаго на 8, глас 8.**

Песнь 1

Ирмос: *Воду прошед, яко сушу,/ и египетскаго зла
избежав,/ израильтянин вопияше:// Избавителю и Бóгу
нашему поим.*

Приими хваление, от уст недостойных тебе прино-
симое,/ и воздаждь тёплыми твоими молитвами к
Бóгу/ чтущим святую память твою,/ отче наш Феодосие.

От юности Господа возлюбил еси, чистоту непорочно
сохраняя,/ от детства Тому прилепился еси чистою
твоёю душею,/ в простоте и незлобии сердце твоё со-
блюдая./ Тёмже и чадо Бóжие войстину был еси, святе
Феодосие.

Благо есть мужу, егда возьмет ярём в юности своей,
глаголет Писание./ Сему глаголу последуя, с радостию
иго Господне от юности восприял еси/ и был еси инок
преизрядный, блаженне Феодосие.

Богородичен: Пресвятая Дево, Мати Бóжия, Заступ-
нице наша непостыдная,/ спаси, услыши нас, страсть-
ми люте одержимых,/ и даждь руку помощи молитвами
Твоими.

Песнь 3

Ирмос: *Небеснаго круга/ Верхотворче, Господи,/ и
Церкве Зиждителю,/ Ты мене утверди в любви
Твоёй,/ желаний краю, верных утверждение, // Еди́не
Человеколю́бче.*

Блажени нищии духом, глаголет Господь;/ сему спа-
сительному глаголу внимаю,/ паче всех добродетелей
нищету духовную потщался еси стяжати, преподобне,/ возлюбив тую, яко ограду крепкую от всякаго иску-
шения/ и яко боголюбезную мать всех добродетелей.

Познав, яко от послушания раждается смирение, от
смирения же безстрастие,/ всем сердцем возлюбил
еси послушание,/ во всем волю свою и злыя помыслы
отсекая./ Тёмже и безстрастия достигл еси,/ уготовав
душу твою в чистую обитель Духа Пресвятаго.

Крото́сть ве́лию стяжа́л еси́, богому́дре Феодо́сие, / вся ско́рбная благоду́шне претерпева́я, / всякую оби́ду и уничиже́ние в молча́нии любóвию покрыва́я. / Сего́ ра́ди и прия́л еси́ насле́дие на земли́ живы́х, / иде́же пра́веднии во ве́ки пребыва́ют, сла́вяще Го́спода Иису́са.

Богоро́дичен: Не има́мы дерзнове́ния к Сы́ну и Бо́гу Твоему́, Пресвята́я Влады́чице, / не има́мы дерзнове́ния и к Тебе́, Пренепоро́чная, грехми́ при́сно оскверня́еми, / а́ще не Сама́ Ты, Преми́лосе́рдая Ма́ти, / воззове́ши нас, заблуждших, к пока́йнию, / наде́жду спасе́ния отрева́ющи от нас вся́кое уны́ние и разлене́ние.

Конда́к и йкос пра́здника.

Седáлен, глас 4:

Яви́лся еси́ свети́льник благода́тный, о́тче наш Феодо́сие, / ти́хим све́том смире́ния и любве́ сия́й и нас любóвию твое́ю озаря́й. / Те́мже и мы, любóвию чту́ще па́мь твою́, вопие́м ти: / моли́ о нас, святите́лю Бо́жий, новоявле́нный чудотво́рче.

Сла́ва, и ны́не, пра́здника, или́ Богоро́дичен, глас то́йже:

Мно́гими прегреше́нии ум помраче́н иму́ще, / вопие́м ко Твоему́ крѣпкому́ заступле́нию, Богоро́дице Де́во: / просвети́ о́чи душ на́ших и возсия́й нам пока́йния зарю́, / моли́твами угодника́ твоего́ святите́ля Феодо́сия, / еди́на Чи́стая и Благослове́нная.

Песнь 4

Ирмо́с: Ты моя́ крѣпость, Го́споди, / Ты моя́ и си́ла, / Ты мой Бог, Ты моѐ ра́дование, / не оста́вь не́дра О́тца / и на́шу нищету́ посети́в. / Тем с проро́ком Авваку́мом зову́ Ти: // си́ле Твое́й сла́ва, Человеколю́бче.

Немо́щию отягче́н и ста́ростию претружда́ен быв, / архипа́стырь Ла́зарь пер́вее у́бо сослужите́ля, / последи́ же и насле́дника себе́ устраи́ет тя, святите́лю Феодо́сие, / и це́ркви Черни́говстей свети́льника, ю́же моли́твами твои́ми просвещáй во вся ве́ки.

Войсти́ну че́сти и вла́сти святите́льския досто́ин яви́лся еси́, о́тче Феодо́сие, / сло́вом прему́др быв, жити́ем же добродѣ́телен, / в Божѣственныхъ Писáниях иску́сен и словѣсныя о́вцы наставля́ти zeló дово́лен.

Благочестием украшаяся и в духовном жителстве всем людем страны Черниговския известен быв, / единокорно теми избран был еси в великое служение Церкви Божией, отче Феодосие, / юже и ныне назирай твоими молитвами.

Богородичен: Много может молитва праведнаго поспешествуема, глаголет Иаков, брат Господень. / Много может и молитва святителя Феодосия, / споспешествуема Твоею Матернею молитвою, Пресвятая Владычице Богородице: / еси бо предстательство, и покров, и заступление наше, Благодатная.

Песнь 5

Ирмос: *Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаяннаго? / Но обрати мя и к свету заповедей Твоих // пути моя направи, молюся.*

Радовахуся людие града Чернигова, зряще тебе светлостию сана святительскаго облечена, / и купно со архипастырем Лазарем престолу благодати Божия предстояща, / и преподобныя своя рuce о пастве воздеющая, / и, Христа благодаряще, сердца своими умиляхуся.

Образ был еси всей богоданней пастве твоей, / словом и житием, любовью и духом, верою и чистотою. / Сего ради не точно овцы твоя любовь к тебе прилепляхуся, / но и инославнии тя яко человека Божия, отче наш Феодосие, почитаху.

Пастырь воистину добрый словесному стаду твоему, святителю Феодосие, был еси, / душу твою за овцы твоя положить готовый. / Темже и явился еси обидимым убо заступник непреборимый, правды же ревнитель неустрашимый, / сильных мира сего с любовью обличая и пасомых своих отечески вразумляя, / заблудшия же на путь правый премудре наставляя.

Богородичен: Умерщвленную душу мою оживи, / падшую возстави, уязвленную исцели, / ум мой просвети, искушений волны укроти, Мати Божия, Дево Пресвятая, / и спаси мя молитвами Твоими, Пречистая.

Песнь 6

Ирмос: *Молитву пролию ко Господу / и Тому возведу печали моя, / яко зол душа моя исполнися / и живот*

мой аду приближися, / и молюся, яко Ибна:// от тли, Бóже, возведи мя.

От юности инок презрядный быв, иноческа обители с любовью созидал еси / и вся на пользу жития иноческаго в тех благоустроил еси, / всех присно к Бóгу наставляя отеческими твоими поученьми, / отче наш, Феодосие богомудре.

Благолепне душу твою во храм Духа Божия добродетельми устраяя, / благолепие Дóму Божия возлюбил еси и, всеусердное попечение о том имея, / еще и храмы новы созидал еси во славу Творца и Бóга, / мир весь несказанною красотóю благоуукрашившаго.

Радостию ангельскою, святителю Божий, радовался еси, / егда чада твоя во истине ходяща видел еси, / и, якоже отец чадолюбивый, сердцем твоим о заблуждающихся скорбел еси / и о спасении всех молитву творил еси, / вся любовью объемя и о всех представляя, отче наш, святителю Феодосие.

Богородичен: Приидите, вси вернии, припадём к теплей Заступнице рода нашего, Матери Божией, / и во умилении сердца воззовём: / Пресвятая Владычице Богородице, покрый нас благодатным покровом Твоим / и молитвами Твоими избави нас от всякаго зла.

Кондак, глас 4:

Пастырей Начальнику Христу трудился еси, / святителю Феодосие, / на пажити духовней словесная твоя овцы питаая, / и целебен дар от Христа Спаса приял еси, / во еже немощи душевныя и телесныя целити / всех с верою к тебе приходящих. / Темже и ныне, святе, молися / всем имя твое призывающим от наветов вражиих спастися // и помилуватися душам нашим.

Икос:

Дар Божий воистину явился еси земли Российстей, святе Феодосие, / от юности бо себе Бóгу возложив, подвигом добрым до конца подвизался еси / и дарования велия приял еси, благодати сосуд быв избранный. / Темже, яко в житий твоём, тако наипаче по блаженнем успении, / предстоя Престóлу Пресвятыя Троицы, / со дерзновением вздееши преподобныя твоя рúце, / о пастве твоей и о всей Российстей тепле

моляся./ Сего ради, с верою и любовию к тебе притекающе,/ вси скорбящии неоскудно утешение приемлют и болящии исцелений сподобляются./ С нимиже и мы тебе, яко чадолубивому отцу, взываем:/ моли, святе, о призывающих имя твое,/ от наветов вражиих спастися душам нашим.

Песнь 7

Ирмос: *Отроцы еврейстии в пещи/ попраша пламень дерзновенно/ и на росу огонь преложиха, вопиюще:// благословен еси, Господи Боже, во веки.*

Присно поучаяся памяти смертней,/ непрестанно желал еси Крест Господень пред очесы твоими держати,/ егже воображение и в пути неразлучно пред тобою пребываше,/ во еже всегда от сердца взывати ко Господу:/ благословен еси, Господи Боже, во веки.

И по смерти, яко жив сый, благодатию Божиею чады твоими пребываеши/ и по преставлении твоём пастырь добрый тем являешися, отче Феодосие,/ в сонных видениях неведущия в вере наставляя и всех вопити научая:/ благословен еси, Господи Боже, во веки.

В церковь Божию ходити и молитися/ болящему иноку повелел еси, отче Феодосие, во сне тому представ,/ и, отечески того вразумляя, грехи его вспомняул еси, к покаянию призывая,/ и исцеление тому подал еси, да вину славит Господа:/ благословен еси, Господи Боже, во веки.

Богородичен: *Разсеяся ум мой, одебеле сердце, немоществует мое произволение./ Владычице Богородице, умилосердися о мне, грешнем, исцели душу мою/ и, яко Благаго Спаса моего Благая Мати, спаси мя, да вину вопию Ему:/ благословен еси, Господи Боже, во веки.*

Песнь 8

Ирмос: *Ангели и Небеса,/ на Престоле Славы Седящаго/ и яко Бога непрестанно славимаго,/ благословите, пойте// и возносите Его во веки.*

Кто по достоянию может поведати вся чудеса твоя, святителю Феодосие,/ и неведущим тебе болящим являешися врач презрядный,/ всех призывая исповедати славу Бога, прославляющаго святых Своих и возносиваго во веки.

Стужаемым от духов нечистых заступник и прибежище явился еси, святителю Феодосие, / прогоняя силою Божиею всякое действо бесовское от иже с верою к тебе притекающих, / да славится имя Божие во веки.

Имя твоё, святителю Феодосие, яко миро изливанное, / якоже благоухание рая Божия, по лицу всея земли Россійския обносится, / услаждая сердца верующих и призывая в радости духовней / воспевати Господа, превозносімаго во вся веки.

Богородичен: Не презри молений раб Твоих, Мати Божия, / прими молитвы наша ради угодника Твоего, святителя Феодосия, / и принеси ко Престолу Сына и Бога Твоего, / да славится имя Его от всея твари во веки.

Песнь 9

Ирмос: Тя, Неискусобрачную Матерь Бога Вышнего, / Тя, паче ума Рождшую словом войстину Бога, / Вышшую пречистых Сил, // немолчными славословлениями величаем.

Яко целитель премилостивый, святе Феодосие, / не точно призывающим тя болящим милостивне внемлещи, / но и присных их послушаещи и по вере тех скорый врач болящим являешься, / всех милуя и утешая, на всех щедроты твоя приизобильне изливая.

Войстину дивна и паче слова чудеса твоя, Феодосие, отче наш, / явил бо ся еси слава Церкви Россійския, / Православныя веры Небесный проповедник, истины же свидетель непреложный.

Святче Божий, угодниче Христов, милости неистощимое сокровище, / призри на немощи моя, исцели душу мою, страстьми зле обуреваемую, / исцели и тело мое, немощьми обложенное, / да прославлю в тебе благодать и милосердие Христа Бога, дивнаго во святых Своих.

Богородичен: К Тебе, Премилосердая Мати, возношу мое грешное сердце, / пред Тобою, Благодатная, повергаю немощи души и тела моего: / молитвами Твоими заступи и помилуй мя.

Светилен.

Подобен: Небо звездами:

Небо звездами Украсивый новую звезду пресветлую яви ты, святителю Феодосие, / небо церковное

украшающую и мрак нечестивых мудрований разгоняющую./ Тёмже и наша сердца, грехом омраченная, просвети/ и к покаянию молитвами твоими, преподобне, настави.

Слава, и ныне, праздника, или Богородичен:

Зарю пресветлую, являющую нам Солнце незаходимое,/ вемы Тя, Пресвятая Дево Богородице./ Сего ради молим Тя: яко Мати Света сущи,/ просвети нас светом Сына Твоего, Христа Бога нашего.

На хвалитех стихиры на 4, глас 6.

Богоносе преблаженне отче наш Феодосие,/ мира красоты и сладости временныя возненавидев,/ монашеское житие возлюбил еси/ и ангельскому лику сопричтался еси./ Тёмже и светильник многосветлый вселенней чудесы дивно сияеши./ Моли убо о нас, совершающих святую память твою,/ мы бо чада твоя/ и овцы словеснаго стада твоего,/ тебе на помощь призываем,// просяще тобою прияти мир и велию милость.

Богоносе преблаженне Феодосие,/ все плотское мудрование духу повинул еси,/ пощении и сокровенными подвиги очистився,/ яко злато, в горниле искушено, сияя, явился еси,/ приятелище быв Духа Пресвятаго./ Обители же иноческия благоустрояя/ и храмы Божия благолепне украшая,/ добре овцы твоя словесныя упасл еси,/ ученьми твоими, якоже некоею лествицею,/ на высоту добродетелей возводя./ Поминай нас, чтущих память твою присносвященную,// и моли спастися душам нашим.

Воссия нам богоугодное житие твое,/ преславне Феодосие,/ поучая нас боголюбезным добродетелем,/ всем бо явил еси в себе правило веры и образ кротости,/ подвигов иноческих и воздержания зеркало,/ любве же и смирения сокровище неистощимое./ Тёмже, чтуще святую память твою,/ тебе венчавшаго Христа прославляем,// Егбоже моли о спасении душ наших.

Слава, глас 2:

Что Тебе принесем, Христэ Бже наш,/ или како по достоянию воспоем щедроты Твоя,/ яже преизобильне изливаеши на нас, недостойных?/ Блажени есмы, чада сущи Церкви Твоея Православныя,/ в нейже, яко во дни

древняя, тако и ныне, / дивная и преславная чудеса являеши, прославляя святых Твоих. / Се и ныне светло празднуем чудотворцу предивному, / егже прославити благоволил еси. / Славим Имя Твое, Господи Боже наш, / поклоняемся величеству благодати Твоей / и, припадающе, вопием Ти: // молитвами святителя Феодосия помилуй нас.

И ныне, праздника.

НА ЛИТУРГИИ

Блаженны от канона праздника, песнь 1-я, на 4, и святого, песнь 6-я, на 4. Прокимен, глас 7: Честна пред Господем // смерть преподобных Его. Стих: Что воздам Господеву о всех, яже воздаде ми? Апостол ко Евреям, зачало 335. Аллилуия, глас 6: Блажен муж, бойся Господа, в заповедех Его восхощет зело. Стих: Сильно на земли будет семя его, род правых благословится. Евангелие от Луки, зачало 24. Причастен: В память вечную будет праведник, от слуха зла не убоится.

Святитель Феодосий, архиепископ Черниговский († 1696), принадлежал к дворянскому роду Углицких. Он родился около 30-х годов XVII века (мирское имя его остается неизвестным) в семье священника Никиты от матери по имени Мария. Благочестие, царившее в его доме, благотворно содействовало духовному развитию мальчика. С детства он отличался кротостью и прилежанием к молитве. Природные способности его раскрылись в Киево-Братской Богоявленской школе. В годы обучения окончательно выявилось призвание Феодосия к иноческому подвигу: все свободное от занятий время он отдавал молитве, богомыслию и чтению Священного Писания. За эти же годы сложилось у него и последовательное православное богословское понимание веры, поскольку Киево-Братская Богоявленская школа являлась в то время ведущим центром борьбы Православия против нападков католического духовенства, иезуитов и униатов.

Вскоре после окончания школы будущий святитель принял иноческий постриг в Киево-Печерской Лавре с именем Феодосий (в честь основателя Лавры). Этого подвижника он считал, наряду с преподобным



Антонием Печерским, своим особым Небесным покровителем. Молодой инок, стремясь к уединению, покинул Киев и поселился в отдаленном Крупицком Батуринском монастыре

Черниговской епархии, славившемся строгой иноческой жизнью. Там он был посвящен в сан иеромонаха.

В 1662 году за свою духовную мудрость и строгую подвижническую жизнь Феодосий был назначен игуменом в Корсунский монастырь Киевской епархии, а в 1664 году — настоятелем древнего Киево-Выдубицкого монастыря. Своими духовными дарованиями и незаурядностью игумен Феодосий снискал особое расположение Преосвященного архиепископа Черниговского Лазаря (Барановича). В 1688 году игумен Феодосий был назначен священно-архимандритом и настоятелем Черниговского Елецкого монастыря. Опытный в делах организации монашеской жизни, он много сделал для духовного укрепления монастыря.

По ходатайству Преосвященного Лазаря в 1692 году архимандрит Феодосий был хиротонисан во епископа на Черниговскую кафедру, с возведе-

нием в сан архиепископа, и временно управлял Черниговской епархией совместно с Преосвященным Лазарем. По преставлении Преосвященного Лазаря († 3 сентября 1693) святитель Феодосий недолго управлял Черниговской епархией. После его кончины († 5 февраля 1696) на Черниговскую кафедру был назначен святитель Иоанн (Максимович; † 1715, память 10 июня), его ученик и преемник, которому святитель Феодосий особо покровительствовал в архипастырском окормлении чад Русской Церкви не только в Чернигове, но и в Сибири в его трудном миссионерском подвиге.

О необычайной скромности святителя Феодосия как особом благодатном даровании свидетельствовала вся его подвижническая жизнь и сокровенная помощь тем, кто возносил ему молитвы.

Прославление святителя Феодосия совершилось 9 сентября 1896 года.

